

IOK-PEK-KÌ (18)

1 O·su ê toē bat ū chh̄t-lâng miâ-kiò Iok-pek, hit-lâng oân-choân koh cheng-tit, keng-ùi Siōng-tè, lī-khui chia̍h ê pháiⁿ. ²I siⁿ chhit ê kiáⁿ, saⁿ ê cha-bó·-kiáⁿ. ³I ê ke-giap ū iūⁿ chhit-chheng, lók-tô saⁿ-chheng, gū gō·pah tui, lū-bú gō·pah chia̍h; iā ū choē-choē chhe-ēng ê lâng; án-ni chit-lâng tī tang-hng cheng-lâng ê tiong-kan sī choē tē-it-toā. ⁴I hiah ê kiáⁿ khi siat iân-siá̍h tī ták-lâng ê chhù, chiàu i ê jīt-chí; koh chhe lâng khi chhiáⁿ in saⁿ ê chí-bē lāi kap in lim-chiá̍h. ⁵Iân-siá̍h ê jīt í-keng moá, Iok-pek chhe lâng kiò in lāi hō· in seng-kiat; koh thau-chá khí-lāi, chiàu in cheng-lâng ê siàu-giá̍h hiàn sio-chè; in-ūi Iok-pek kóng, Kiám-chhái goá ê kiáⁿ ū hoân-choē, sim-lāi khi-choát Siōng-tè. Iok-pek siōng-siōng án-ni kiáⁿ.

⁵Ū chh̄t-jit, Siōng-tè ê cheng-kiáⁿ lāi, ka-kī khiā tī Iâ-hô-hoa ê bīn-cheng, Sat-tàn iā lāi tī in tiong-kan. ⁷Iâ-hô-hoa tui Sat-tàn kóng, Lí tui toh-lòh lāi? Sat-tàn chiū in Iâ-hô-hoa kóng, Goá tī toē-chiūⁿ kiáⁿ-lāi kiáⁿ-khi, piàn-kiáⁿ tī-hia, tui hia lāi. ⁸Iâ-hô-hoa tui Sat-tàn kóng, Lí ū liū-sim tī Goá ê lô·pók Iok-pek mah? In-ūi toē-chiūⁿ bô lâng chhin-chhiūⁿ i oân-choân koh cheng-tit, keng-ùi Siōng-tè, lī-khui chia̍h ê pháiⁿ. ⁹Sat-tàn in Iâ-hô-hoa kóng, Iok-pek keng-ùi Siōng-tè, kiám bô in-toaⁿ mah? ¹⁰Lí kiám-m̄-sī ēng lī-pa ūi i, koh ūi i ê ke, kap ūi i sī-bīn it-chhè só·-ū-ê mah? I

ê chhiú só· choē-ê, Lí sù-hok i, i ê ke-giap iā tī toē--nih ke-thiⁿ choē-choē. ¹¹Taⁿ Lí nā chhun Lí ê chhiú, kháp-tiòh i lóng-chóng só·-ū-ê, i tek-khak tng-bīn khi-choát Lí. ¹²Iâ-hô-hoa tui Sat-tàn kóng, Khoàⁿ ah, i it-chhè só·-ū-ê lóng tī lí ê chhiú-thâu, tók-tók m̄-thang hē chhiú tī i ê seng-khu. Sat-tàn chiū tui Iâ-hô-hoa ê bīn-cheng chhut-khi.

¹³Ū chh̄t-jit Iok-pek ê kiáⁿ cha-bó·-kiáⁿ tú-á tī in toā-hiaⁿ ê ke teh chia̍h, teh lim-chiú, ¹⁴ū sù-chiá lāi Iok-pek hia, kā i kóng, Gū teh lô·chhân, lū-bú tī piⁿ-á chia̍h-chháu; ¹⁵Sī-pa ê lâng hut-jiân kàu, chhiúⁿ i, ēng to thāi-sí hiah ê lô·pók; chí-ū goá chh̄t-lâng cháu-lī lāi pò lí. ¹⁶I iáu teh kóng ê sī, koh ū chh̄t-ê lāi, kóng, Siōng-tè ê hé tui thiⁿ kàng-lòh, sio iūⁿ-kún, kap hiah ê lô·pók, lāi biát--in; chí-ū goá chh̄t-lâng cháu-lī lāi pò lí. ¹⁷I iáu teh kóng ê sī, koh ū chh̄t-ê lāi, kóng, Ka-lèk-tí lâng pun-choē saⁿ-tūi, hut-jiân lāi, phah lók-tô lāi chhiúⁿ i, soà ēng to thāi-sí hiah ê lô·pók; chí-ū goá chh̄t-lâng cháu-lī lāi pò lí. ¹⁸I iáu teh kóng ê sī, koh ū chh̄t-ê lāi, kóng, Lí ê kiáⁿ, lí ê cha-bó·-kiáⁿ, tī in toā-hiaⁿ ê ke teh chia̍h teh lim-chiú; ¹⁹hut-jiân ū toā-hong tui không-ia̍ chhe-lāi, phah chhù ê sī-kak-thâu, chhù tó teh tī siàu-liân lâng ê téng-bīn, in chiū lóng sí; chí-ū goá chh̄t-lâng cháu-lī lāi pò lí.

²⁰Iok-pek chiū khí-lāi, thiah-līh goā-saⁿ, thì-thâu, phak tī toē--nih lāi pài; ²¹kóng, Goá

thng-theh chhut lāu-bú ê thai, iā beh thng-theh tò-khì hia; Iā-hô-hoa siúⁿ-sù, Iā-hô-hoa thèh-khì, tiòh o-ló Iā-hô-hoa ê miā. ²²Tī che it-chhè ê sū, Iok-pek pēng bô hoān-choē, iā bô liāh Siōng-tè choē bô-háp.

2 Koh ū chhit-jlt Siōng-tè hiah ê kiáⁿ lâi, ka-kī khiā tī Iā-hô-hoa ê bīn-chēng, Sat-tàn iā lâi tī in tiong-kan, ka-kī khiā tī Iā-hô-hoa ê bīn-chēng. ²Iā-hô-hoa tùi Sat-tàn kóng, Lí tùi toh-lóh lâi? Sat-tàn in Iā-hô-hoa kóng, Goá tī toē-chiūⁿ kiāⁿ-lâi kiāⁿ-khì, piàn-kiāⁿ tī-hia, tùi-hia lâi. ³Iā-hô-hoa tùi Sat-tàn kóng, Lí ū liū-sim tī Goá ê lô-pók Iok-pek mah? In-ūi toē-chiūⁿ bô lāng chhin-chhiūⁿ i oân-choân koh chēng-tit, keng-ūi Siōng-tè, lī-khui chiah ê pháiⁿ; lí sui-jiân kek Goá kong-kek i, bô in-toaⁿ húi-hoāi i, i iū-goân chip-siú i ê sūn-choân. ⁴Sat-tàn in Iā-hô-hoa kóng, Ēng phê oāⁿ phê, lāng ūi-tiòh i ê sīⁿ-miā goān liáu i it-chhè só-ū ê. ⁵Chóng-sī Lí chhun Lí ê chhiú kháp-tiòh i ê kut kap i ê bah, chiū i beh tng-bīn khi-choát Lí. ⁶Iā-hô-hoa tùi Sat-tàn kóng, Khoàⁿ ah, i tī lí ê chhiú-thâu, tók-tók tiòh lâu i ê sīⁿ-miā. ⁷Sat-tàn chiū tùi Iā-hô-hoa ê bīn-chēng chhut-khì, phah Iok-pek, hō i tùi kha-toé kàu thâu-khak-téng siⁿ tók-chhng. ⁸I chiū ēng hāu-phiaⁿ-phè lâi pē seng-khu, chē tī hé-hu tiong. ⁹I ê bó[·] chiū tùi i kóng, Lí iáu-kú chip-siú lí ê sūn-choân mah? Tiòh khi-choát Siōng-tè lâi sí. ¹⁰Nā-sī Iok-pek tùi i kóng, Lí kóng-oē sī chhin-chhiūⁿ hiah ê gōng ê hū-jîn-lāng só[·] teh kóng ê. Cháiⁿ-iūⁿ--nih? Lán tùi Siōng-tè siū hok-khì, kiám bô tùi I siū chai-ē mah? Tī che it-chhè ê sū, Iok-pek pēng-bô tùi i ê chhui lâi hoān-choē.

¹¹Hit-sī Iok-pek saⁿ ê pēng-iú thiaⁿ-kìⁿ i tú-tiòh it-chhè ê khó[·]-lān, ták-ê tùi in ê só[·]-chāi lâi; chiū-sī Thē-bān lāng Í-lī-hoat, Su-a

lāng Pí-lék-tát, Ná-má lāng Só-hoat; in siong-iok saⁿ-kap lâi pi-siong, an-ūi i. ¹²In hng-hng kiáh-bák khoàⁿ, boē jīn-tit i, chiū toā-siaⁿ thī-khau; ták lāng thiah-līh goā-saⁿ, ñg thiⁿ iā thō[·]-hún tī ka-kī ê thâu-khak. ¹³In chiū kap i chē tī thō[·]-kha chhit-jlt chhit-mī, bô kap i kóng chit-kù, in-ūi in khoàⁿ-kìⁿ i ê thòng-khó[·] chin toā.

3 Āu-lâi Iok-pek khui-chhui, chiū-chó[·] i ê jlt. Iok-pek khui-chhui kóng:

³Goá chhut-si ê jlt, goān hit ê jlt bô--khì; Kóng, ū hoāi-in ta-po[·]-kiáⁿ hit-mī, goān hit ê mī iā bô--khì.

⁴Goān hit ê jlt pìⁿ-choē o[·]-àm; Goān Siōng-tè bô tùi téng-bīn khoàⁿ-kò[·] i, Kng iā bô chiò i.

⁵Goān o[·]-àm kap sí-im chhim-chhú i; Goān bát-hún thēng tī i ê téng-bīn, Goān hō jlt piàn o[·]-àm--ê phah-kiáⁿ i.

⁶Lūn-kàu hit-mī, goān o[·]-àm chhiúⁿ-khì; Goān i bô kap nī-tiong hiah ê jlt tâng hoaⁿ-hí; Iā bô jlp tī hiah ê gēh ê siāu-giáh.

⁷Ā! Goān hit-mī bô ū siⁿ-kiáⁿ; In tiong-kan bô hoaⁿ-hí ê siaⁿ.

⁸Goān hiah ê chiū-chó[·] jlt ê, chiū-chó[·] i; Í-kíp hiah-ê oē kek-tōng lēng ê, chiū-chó[·] i.

⁹Goān hit-mī thiⁿ-phú-kng ê chhiⁿ pìⁿ o[·]-àm; Goān i ñg-bāng kng iā boē tit-tiòh; Iā bô khoàⁿ-kìⁿ chá-khí-sī thiⁿ thiah-háh;

¹⁰In-ūi bô koaiⁿ-bát siⁿ goá ê chú-kiong, Iā bô tùi goá ê bák-chiu jia-khām hoān-lān.

¹¹Goá siáⁿ-sū bô tī thai--nih chiū sí? Siáⁿ-sū chhut pak-tó[·], bô soà tng-khui?

¹²Siáⁿ-sū ū kha-thâu-u chih goá? Siáⁿ-sū ū nī hō[·] goá suh?

¹³Nā-bô án-ni, goá í-keng tó-teh lâi an-jiân, Í-keng khùn lâi chēng-chēng;

¹⁴Kap toē-chiūⁿ liat-ông bô·-sū saⁿ-kap tī-teh, In bat ūi ka-kī khí-chō pha-hng ê só·-chāi;

¹⁵Á-sī kap ū kim ê siū-léng tī-teh; In bat ēng gūn chhiong-moá in ê chhū ê.

¹⁶Á-sī chhin-chhiūⁿ ka-lauh sin lâi iám-bát ê, goá chiū bô--khì; Chhin-chhiūⁿ bē kīⁿ-tióh kng ê eⁿ-á.

¹⁷Tī-hia pháiⁿ-lâng soah i ê kiáu-jíáu; Tī-hia ià-siān-ê tit-tiòh an-hioh.

¹⁸Tī-hia siū-liáh ê lâng saⁿ-kap tit-tiòh an-jian, Bô thiaⁿ-kīⁿ tok-kang--ê ê siaⁿ.

¹⁹Sī-soè sī-toā lóng tī-hia; Lô·-pók thoat-lī i ê chú-lâng.

²⁰Siū khó·-lân ê lâng, siáⁿ-sū hō· i ū kng ah? Sim-lāi iu-khó· ê lâng, siáⁿ-sū hō· i ū oáh-miā?

²¹In ñg-bāng sí, iā boē tit-tiòh, Chhē i, pí kút khng-bát ê pó-poè khah chhut-lát.

²²In chhē-tiòh hūn-bōng chiū khoài-lók; Hoaⁿ-hí kàu boē-kò--tit.

²³Lâng ê chiān-tô· í-keng àm-bong-bong, Siōng-tè sī-bīn ūi-khūn i, siáⁿ-sū hō· i ū kng ah?

²⁴In-ūi goá ēng thó·-khūi thoè chiáh-mih; Goá toā-siaⁿ háu, chhin-chhiūⁿ toā-chúi chhèng-chhut.

²⁵In-ūi goá só· chin-kiaⁿ-ê līm-kàu goá; Goá só· kiaⁿ-hiāⁿ-ê kàu tī goá.

²⁶Goá boē tit-tiòh an-jian, boē tit-tiòh pēng-chēng, boē tit-tiòh an-hioh, Chóng-sī ū hoān-lân lâi.

4 Thê-bān lâng Í-lī-hoat ìn kóng,

²Lâng nā beh kap lí tâm-lūn, lí oē hiām-ià boē? Chóng-sī chī-chūi oē ka-kī iok-sok bô kóng-oē ah?

³Khoàⁿ ah, lí bat kà-sī choē-choē lâng, Loán-jiók ê chhiú lí iā hō· i giám-ngī.

⁴Beh poáh-tó-ê, lí ēng oē hū i; Kha-thâu-u sng-núg ê, lí hō· i íóng-kiāⁿ.

⁵Chóng-sī taⁿ tãi-chì kàu tī lí, lí chiū hun-bê; Kháp-tiòh lí, lí chiū kiaⁿ-hiāⁿ.

⁶Lí ê oá-khò kiám m̄-sī chāi-tī lí ê kèng-ù mah? Lí ê ñg-bāng kiám m̄-sī chāi-tī lí só· kiāⁿ ê sūn-choân mah?

⁷Chhiáⁿ lí siūⁿ-khoàⁿ, bô-choē ê lâng chī-chūi ū sí-bô? Chèng-tit ê lâng tī sím-mih só· chāi siū chián-tú?

⁸Chiàu goá khoàⁿ, ēng choē-koà chēng-choh, Ēng ok-tók choē chēng-chí lâi iā ê, só· siu-sēng iā sī án-ni.

⁹Siōng-tè pūn-khūi, in chiū sí-bô; Tùi I toā siū-khì ê hong, in chiū siau-biát.

¹⁰Sai ê háu, bēng-sai ê siaⁿ, lóng soah; Sai-á-thūn ê chhūi-khí, lóng phah-chíh.

¹¹Lâu ê sai, in-ūi bô thang chiáh chiū sí; Bú ê sai, hiah ê kiáⁿ iā lóng sì-soàⁿ.

¹²Ū tãi-chì àm-chīⁿ kàu tī goá, Goá hī-khang iā thiaⁿ-kīⁿ i soè-soè ê siaⁿ.

¹³Tùi mī--sī īⁿ-siōng ê su-siúⁿ, Chiū-sī lâng khùn tâng-bīn ê sí,

¹⁴Kiaⁿ-hiāⁿ ngiáuh-ngiáuh-chhoah līm-kàu goá, Hō· goá ê pah-kut khèh-khèh-tiō.

¹⁵Ū sīn tùi goá bīn-chēng keng-kè; Goá seng-khu ê m̄ng-kúg chhàng-khí-lái.

¹⁶I thēng-teh, chóng-sī goá boē khoàⁿ-bēng i ê hēng-chōng; Ū siōng tī goá bák-chiu chēng; Chēng chauh-chauh, goá thiaⁿ-kīⁿ ū siaⁿ, kóng,

¹⁷Oē-sí ê lâng tùi tī Siōng-tè kiám-sī gī mah? Lâng tùi tī chhòng-chō i ê, kiám sī chheng-khì mah?

¹⁸Khoàⁿ ah, I lóng bô sīn-iōng I ê lô·-pók, Iā hiām I ê sù-chiá choē gū-gōng.

¹⁹Hô-hòng hiah ê khiā-khí tī thô·-chhū, I ê

kun-ki chāi-tī thô·hún, Pí chiù-thâng khah-khoài sí--ê.

²⁰Tùi chá-khí kàu ê-hng, chiū tú-tiòh húi-biát, Éng-éng bô--khì, bô lāng khoà·l.

²¹I pò·pīⁿ ê soh kiám bô tùi tiong-ng pūih-chhut-lâi? I ê sí, lóng bô tì-hūi.

5 Taⁿ choè lí kiū-kiò, khoàⁿ ū chī-chūi ìn lí ah? Chiah ê sèng--ê ê tiong-kan, lí beh òng chī-chūi ah?

²In-ūi siū-khì ê sim, oē hāi-sí gōng-lāng; Oàn-tò· oē thāi-sí ham-bān ê lāng.

³Goá bat khoàⁿ-kìⁿ gōng-lāng tēng-kun, Chóng-sī hut-jiān-kan goá chiù-chó· i khiā-khí ê só·-chāi.

⁴I ê kiáⁿ-jī lī-khui an-ún hng-hng; Tī siāⁿ-mng siū ap-pek, iā bô ū chín-kiù ìn ê.

⁵Iau ê lāng chiāh i só· siu-sēng ê, Tī chhì-phè-lāi iā chhiūⁿ--khì, Ū oáh-tauh khui-chhùi thun i ê chāi-bút.

⁶In-ūi chai-ē m̄-sī tùi thô·--nih chhut-lâi, Hoān-lān iā m̄-sī tùi toē--nih hoat-siⁿ;

⁷Chóng-sī lāng chhut-si tiāⁿ-tiòh ū hoān-lān, Chhin-chhiūⁿ hé-chhiⁿ pe-chiūⁿ koāiⁿ.

⁸Oāⁿ-choè goá, goá beh kiū-kiò Siōng-tè; Chiong goá ê sū kau-tài Siōng-tè.

⁹Chiū-sī kiāⁿ tãi-chì toā kàu boē chhek-tók-tit ê, Kiāⁿ kī-sū sng-boē-liáu-ê.

¹⁰I lóh hō· tī toē-bīn-chiūⁿ, Siúⁿ-sù chúi tī chhân-hng--nih.

¹¹Beh an-tì pi-bī-ê tī koāiⁿ ê só·-chāi; Beh kú-khí ai-chhám-ê tī an-ún ê toē.

¹²I phò-hoāi káu-koài ê lāng ê kè-bô·, Tī kàu ìn ê chhiú só· choè ê boē sēng-kong.

¹³I hō· tì-hūi ê lāng tiòng ka-kī ê khúi-kè; Hō· khúi-khiat ê lāng ê kè-bô· kín-kín pāi.

¹⁴In jīt--sī tú-tiòh o·-àm, Jīt tiong-tàu sī-koè bong, chhin-chhiūⁿ mī--sī.

¹⁵I kiù sòng-hiong lāng, thoat-lī ìn ê chhùi ê to-kiám, Í-kíp kiòng-pō ê lāng ê chhiú.

¹⁶Tùi án-ni, nng-chiáⁿ-ê ū òng-bāng, Put-gī-ê, chhùi that-bát.

¹⁷Khoàⁿ ah, Siōng-tè só· keng-kài-ê, hit-lāng ū hok-khì; Só·-í m̄-thang khoàⁿ-khin Choân-lêng--ê ê tok-chek.

¹⁸In-ūi I hō· lāng thàng-thiāⁿ, chiū ká i pau-bát; I siong lāng, iā I ê chhiú i-hó i.

¹⁹I beh kiù lí, tī lāk-pái ê hoān-lān; chiū nā chhit-pái, chai-hāi iā bô kháp-tiòh lí.

²⁰Tī ki-hng ê sí, I beh kiù lí thoat-lī sí; Tī kau-chiàn ê sí, I beh kiù lí thoat-lī to-kiám ê sè-lék.

²¹Lí beh tit-tiòh khng-bát, bián siū chhùi-chih ê kong-kek; Chai-ē kàu ê sí, lí iā bián kiaⁿ.

²²Chai-hāi kap ki-hng, lí beh chhiò i, toē-chiūⁿ ê iá-siù, lí iā bián kiaⁿ.

²³In-ūi lí beh kap chhân-hng--nih ê chiòh kiat-iok; Chhân-iá ê siù iā beh kap lí hô-hó.

²⁴Lí beh chai lí ê pò·pīⁿ pēng-an; Lí beh khì khoàⁿ lí ê iūⁿ-tiâu lóng bô khiām-kheh.

²⁵Lí iā beh chai lí ê kiáⁿ-sun choē-choē, Lí ê hō·-è chhin-chhiūⁿ toē-chiūⁿ ê chhiⁿ-chháu.

²⁶Lí beh hē-siū moá-chiok chiah kui bōng, Chhin-chhiūⁿ tiū-khún kàu-sī siu-khng.

²⁷Khoàⁿ ah, che goán ū chhâ kàu thiat-tí, sít-chāi sī án-ni; Lí tiòh thiaⁿ, chai sī choè lí ê lī-ek.

6 Iok-pek ìn kóng. Goān goá ê iu-būn kè chhin-tāng, Goān goá it-chhè ê chai-hāi pīⁿ-pīⁿ hē tī thian-phēng;

³Tek-khak pí hái-soa khah-tāng; Só·-í goá ê oē loān-loān kóng.

⁴In-ūi Choân-lêng--ê ê chīⁿ siā-tiòh goá; Goá ê sim-sín lim-tiòh i ê tók. Siōng-tè hō· goá kiaⁿ ê sū pāi-tīm kong-kek goá.

⁵Iá-lû ũ chháu, kiám beh chhut-siaⁿ? Gû ũ chháu-liâu, kiám beh háu mah?

⁶Mih chiaⁿ bô chham iâm, kiám oē chiah-tit mah? Nng ê chheng kiám ũ chu-bī mah?

⁷Goá ê sim iâm-chiân, m̄-ài kháp-tiōh ê, In choē goá pháiⁿ bī-sò· ê chiah-mih.

⁸Goân goá tit-tiōh só·-kiū-ê; Goá só· him-bō·-ê goân Siōng-tè siúⁿ-sù goá.

⁹Chiū-sī goân Siōng-tè teh-chhiū goá, Pàng I ê chhiú, lâi choát goá ê sīⁿ-miā.

¹⁰Nā án-ni, goá chiū tit-tiōh an-ùi; Tī thòng-khó· bô tit-tiōh lín-bín ê tiong-kan, iáu oē khoài-lók; In-ūi goá bô ũi-poē Chì-sèng--ê ê oē.

¹¹Goá ũ sím-mih khui-lát, hō· goá iáu teh òng-bāng? Goá ũ sím-mih kiát-kiók, hō· goá iáu thang thun-lún?

¹²Goá ê lát kiám sī chhiōh ê lát? Goá ê bah kiám sī tâng-ê mah?

¹³Pang-chān goá-ê, kiám-m̄-sī lóng bô-khì mah? Goá ê tì-hui, kiám-m̄-sī lī-khui goá khì mah?

¹⁴Choát-bāng ê lāng, chiū nā bô keng-ùi choân-lêng ê Chú, I ê pêng-iú iā tiōh ēng jîn-chû khoán-thāi i.

¹⁵Goá ê hiaⁿ-tī gō· goá, chhin-chhiūⁿ khoe, Koh chhin-chhiūⁿ khoe-chúi lâu-kè ê toē;

¹⁶In-ūi ũ pêng-tè chiū lô, Ū seh khng tī hí lâi-bīn;

¹⁷Sio-lō ê sī-chūn, in chiū siau-bô, Joáh ê sī, chiū tui in ê só·-chāi ta--khì.

¹⁸Iân-khoe kui-tīn teh-kiāⁿ ê lāng oan-lâi oat-khì, In chiūⁿ kàu pha-hng ê só·-chāi chiū sí.

¹⁹Thê-má kui-tīn kiāⁿ ê lāng teh liâu-bāng, Sī-pa kui-kūn ê lāng teh theng-hāu.

²⁰In ũi-tiōh só· òng-bāng lâi kiàn-siàu, kàu-tè chiū lâu-khui.

²¹Taⁿ lín chin-chiāⁿ bô mih; Khoàⁿ-kìⁿ thang kiaⁿ ê sū chiū lún.

²²Goá kiám bat kóng, Chhiáⁿ lín hō· goá? Á-sī, Tui lín ê chài-sán ēng mih sàng goá?

²³Á-sī, Kiū goá thoat-lī tui-ték ê chhiú ah? Á-sī, Siók goá thoat-lī không-pō ê lāng ê chhiú ah?

²⁴Chhiáⁿ lín kà-sī goá, goá chiū chēng-chēng; Iā hō· goá bēng-pék tī sím-mih sū ũ chhō-gō·.

²⁵Chēng-tit ê oē, i ê lát toā kàu cháiⁿ-iūⁿ! Chóng-sī lín teh piān-pok, sī piān-pok sím-mih?

²⁶Lín siūⁿ beh piān-pok lāng ê oē mah? Choát-bāng ê lāng ê giân-lūn, sī chhin-chhiūⁿ hong.

²⁷Lín liam-khau ài tit-tiōh bô-pē ê kiáⁿ, Ēng lí ê pêng-iú choē boē-boē ê mih.

²⁸Taⁿ chhiáⁿ lín kam-goân khoàⁿ goá; Goá koat-toàn bô tng lín ê bīn lâi kóng pēh-chhát.

²⁹Chhiáⁿ lín oat-túg, m̄-thang ũ put-gī, Koh oat-tò-túg, goá ê kong-gī iáu-kú tī-teh.

³⁰Goá ê chhiū ũ put-gī mah? Goá ê chhiū boē hun-piat chai-hāi mah?

7 Lāng tī sè-kan kiám-m̄-sī lô-khó· ê sī-kī mah? I ê jīt-chí kiám m̄-sī chhin-chhiūⁿ chhiāⁿ-kang lāng ê jīt-chí mah?

²Chhin-chhiūⁿ lô·-pók chhiat-chhiat him-bō· jīt-lòh ê iáⁿ, Chhin-chhiūⁿ chhiāⁿ-kang lāng òng-bāng kang-chiⁿ;

³Goá iā án-ni it-tēng keng-kè choē-choē khang-hu ê gēh, Koh ũ iā-siān mí ká goá tiāⁿ-tiōh.

⁴Goá tó-teh ê sī, chiū kóng, Sím-mih sí thang khí-lâi? mí kàu hiah tng. Goá hoan-lâi hoan-khì tít-tít kàu thiⁿ-kng.

⁵Goá kui seng-khu lóng sī thāng kap kui-tè ê thô·; Goá ê phê-hu siu chhiū, chiū koh

chhut-lâng.

⁶Goá ê jít-chí pí so khah-kín, Tít-tít kè-khì
bô só· òng-bāng.

⁷Tiòh kì-tit goá ê oáh-miā ná chhoán chit
ê khùi; Goá ê bák-chiu boē koh khoàⁿ-kìⁿ hó-
keng.

⁸Khoàⁿ goá ê lâng, i ê bák-chiu beh bô koh
khoàⁿ-kìⁿ goá; Lí ê bák-chiu beh siòng goá,
chóng-sī goá bô tī-teh.

⁹Hùn siau-soàⁿ chiū kè-khì, Án-ni, lâng lólh
im-kan iā boē koh khí-lâi.

¹⁰I bô koh tò-lâi ka-kī ê ke, Pún só·-chāi iā
bô koh jīm-tit i.

¹¹Só·-í goá bô beh iok-sok goá ê chhui; Goá
ê sîn iu-khó·, goá beh án-ni kóng-chhut. Goá
ê sim khó·-thàng, goá beh án-ni hun-sò·.

¹²Goá kiám-sī toā-hái, á-sī kau-lêng mah?
Lí keng-jian siat chit-ê kam-sī goá ê ah?

¹³Goá nā kóng, Goá ê bîn-chhng beh an-ùi
goá, Goá ê chhng-pho· beh koé goá ê iu-būn;

¹⁴Lí chiū ēng bîn-bāng hō· goá kiaⁿ, Ēng
īⁿ-siōng hō· goá lún.

¹⁵Tì-kàu goá ài chhui-sí; Ài sí-bô, khah-iān
chhun chiah ê kut.

¹⁶Goá iām-hūn sīⁿ-miā, m̄-ài éng-oán oáh-
teh; Goān lí chhut-chāi goá; in-ùi goá ê jít-chí
lóng-sī khang-hu.

¹⁷Lâng sī sīm-mih, tì-kàu Lí liáh i choè-toā,
Tì-kàu Lí chiong i khoà tī sim--nih,

¹⁸Tì-kàu Lí ták chá-khí kām-chhat i, Sī-
khek chhi-giām i?

¹⁹Lí beh kau tī-sī chiah oát-tng bô khoàⁿ
goá, Khoan goá tiap-á-kú, hō· goá thun-noā-
cheh?

²⁰Kām-chhat lâng--ê ah, goá nā ū choē, gāi-
tiòh Lí sīm-mih? Lí siáⁿ-sū ēng goá choē Lí
ê chīⁿ-pé? Tì-kàu goá khoàⁿ ka-kī choē tâng-
tāⁿ.

²¹Lí siáⁿ-sū m̄ sià-bián goá ê kè-sit, tū-khì
goá ê choē-koà? In-ùi goá taⁿ beh tó tī tīn-ai;
Lí beh tì-ì chhē goá, chóng-sī goá í-keng bô
tī-teh.

8 Su-a lâng Pí-lék-tát in kóng, Chiah ê oē
lí beh kóng kau tī-sī? Lí chhui-lâi ê oē chhin-
chhiūⁿ kóng-hong beh kau joā-kú?

³Siōng-tè kiám ū phian-su lâi sīm-phoàⁿ?
Choan-lêng--ê kiám ū phian-su, bô kong-gī?

⁴Lí ê kiáⁿ-jī nā ū tek-choē I, I kau-hù in tī
in ê kè-sit ê chhiú-thâu.

⁵Lí nā tì-ì chhē Siōng-tè, Koh tui Choan-
lêng--ê kiū un;

⁶Lí nā chheng-khì cheng-tit, I beh ūi-tiòh lí
chhiūⁿ--khí-lâi, Koh hō· lí kong-gī ê chhiū heng-
thong.

⁷Lí khí-thâu sui-jian bī-soē, Kàu-bé beh
chin hoat-tát.

⁸Chhiáⁿ lí chhâ-mng cheng-tai, Tui-liām in
ê liat-chó· só· chhâ-chhut-ê;

⁹In-ùi lán put-kò sī cha-hng chiah ū, m̄-
chai poàⁿ-hāng; Lán tī sè-kan ê jít-chí chhin-
chhiūⁿ iáⁿ;

¹⁰In kiám bô kà-sī lí, ká lí kóng, Kóng-
chhut i sim-pak ê oē?

¹¹Lô·-úi bô thô·-bê, oē hoat mah? Lô·tek
bô chúi, oē toā chāng mah?

¹²Tng i chhiⁿ-chhui, iáu-bē koah-khí-lâi, Pí
lóng-chóng ê chhiú tui-seng ko·-tā.

¹³Kìⁿ-nā boē-kì-tit Siōng-tè ê lâng, i ê lô·-
keng iā sī án-ni; Bô keng-khiān ê lâng, i ê
ng-bāng beh bô--khì.

¹⁴I só· i-oá-ê beh choát-tng; I só· oá-khò-ê
sī tī-tu-bāng.

¹⁵I beh oá-khò chhiū, chóng-sī chhiū beh tó;
I beh khíⁿ-tiāu chhiū, chóng-sī chhiū boē kú-
tng tī-teh.

¹⁶I siū jít chiò, chiū chhiⁿ-chhùi. I ê tín soan kàu moá-hng.

¹⁷I ê kun khùn tī chiòh-tui, Thàu-kàu chiòh ê só·chāi.

¹⁸I nā tui i ê só·chāi tū-khì, hit só·chāi chiū m̄ sêng-jīm i, Kóng, Goá bē-bat khoàⁿ-kìⁿ lí.

¹⁹Khoàⁿ ah, che chiū-sī i ê lō· ê khoài-lók, Í-āu beh ū pát-ê tui toē--nih siⁿ--chhut-lài.

²⁰Khoàⁿ ah, Siōng-tè tek-khak bô khi-sak oân-choân ê lâng, Iā bô hū-chō· kiāⁿ-pháiⁿ ê lâng.

²¹I iáu beh hō· lí moá-chhùi chhiò-gī-gī, Hō· lí ê chhùi-tūn chhut hoaⁿ-hí ê siaⁿ.

²²Oân-hūn lí ê lâng beh moá-sin kiàn-siàu, Pháiⁿ-lâng ê pò·-pīⁿ beh kui tī bô.

9 Iok-pek ìn kóng, Goá chin-chiàⁿ chai sī án-ni; In-ūi lâng tī Siōng-tè ê bīn-chêng, thái oē sng-choè-gī ah?

³Nā beh kap I piān-lūn, Chheng-hāng iā boē ìn I chit-hāng.

⁴I ê sim sī tì-hūi, I ê lát sī toā; Chī-chūi tí-khòng I, iā tit-tiòh an-jiān?

⁵I î-soá soaⁿ, soaⁿ iā m̄-chai; I siū-khì tiòng, hō· soaⁿ pang--lòh-khì.

⁶I hō· toē tín-tāng, lī-khui i ê pún-ūi, Toē ê thiāu chiū iô-choah.

⁷I bēng-lēng jít, jít chiū bô chhut; Koh hong-bát cheng chhiⁿ.

⁸I ka-kī thí-khui thiⁿ; Koh kiāⁿ-táh tī hái-éng ê téng-bīn.

⁹I chhòng-chō Pak-táu, Chham-chhiⁿ, Báu-chhiⁿ, kap lâm-hng ê bít-kiong.

¹⁰I kiāⁿ tãi-chì toā kàu boē chhek-tók-tit, Kiāⁿ kī-sū sng-boē-liáu.

¹¹Khoàⁿ ah, I tui goá chia keng-kè, goá iā bô khoàⁿ-kìⁿ, I kiāⁿ kè-khì, goá iā m̄-chai.

¹²Khoàⁿ ah, I chhiúⁿ-khì, chī-chūi oē chó·-tòng I? Chī-chūi káⁿ m̄ng I, Lí choè sím-mih?

¹³Siōng-tè tek-khak bô siu-hoē I ê siū-khì, Hū-chō· Láp-hap-pek ê, khut-lòh tī I ê ē-bīn.

¹⁴Hô-hòng goá thái-thó káⁿ ìn I, Á-sī keng sím-mih oē lái kap I piān-lūn?

¹⁵Goá sui-jiān sī kong-gī, iā m̄-káⁿ ìn I; Tók-tók tui sím-phoàⁿ goá--ê kiū-un.

¹⁶Goá nā kiū-kiò I, I nā ìn goá, Goá iā m̄-sìn I ū thiaⁿ goá ê siaⁿ.

¹⁷In-ūi I ēng toā-hong phah goá; Bô iān-kò· ke-thiⁿ goá ê siong.

¹⁸I m̄ iòng-ún goá chhoán chit-ê khui; Tók-tók ēng khó· chhiong-moá goá.

¹⁹Nā lūn kiòng-béng, khoàⁿ ah, I ê lát tī chia, Nā lūn sím-phoàⁿ, chī-chūi oē ká goá tiāⁿ-tiòh kī-jít?

²⁰Goá sui-jiān choè-gī, goá ka-kī ê chhùi beh tēng goá ê choē; Goá sui-jiān oân-choân, i beh hián-bēng goá ê hēng-gék.

²¹Goá sī oân-choân-ê, goá bô kò· ka-kī; Goá khoàⁿ-khin goá ê oáh-miā.

²²Thong-thong sī chit-iūⁿ, só·-í goá kóng, Oân-choân--ê kap kiāⁿ-pháiⁿ-ê, I lóng châu-biát.

²³Chai-ē nā hut-jiān phah-sí lâng, I chiū thí-chhiò bô-choē ê lâng tú-tiòh chhi-liān.

²⁴Sè-kài kau-hù tī pháiⁿ-lâng ê chhiú; I jia-khàm sím-phoàⁿ-sī ê bīn; Nā m̄-sī I, sī chī-chūi ah?

²⁵Goá ê jít-chí pí cháu-būn-su--ê khah-kín, Kín-kín kè--khì, bô khoàⁿ-kìⁿ sím-mih hok-khì.

²⁶Kín-kín kè-khì chhin-chhiūⁿ khoài-chūn; Koh chhin-chhiūⁿ eng kín-kín pe--lòh-khì lók-mih.

²⁷Goá nā kóng beh boē-kì-tit goá ê ai-oân, Beh koé goá ê iu-iòng choè hoaⁿ-hí;

²⁸Goá chiū kiaⁿ goá chiah ê iu-khó; In-ūi goá chai Lí tek-khak bô liáh goá choè bô-choē.

²⁹Goá beh siū tēng-choē, Goá siáⁿ-sū khang-khang tiòh-boā ah?

³⁰Goá nā ēng seh ê chúí ka-kī soé, Ēng kiⁿ chheng-khì goá ê chhiú,

³¹Lí beh hiat goá tī kau-á-toé, Goá ê saⁿ iā beh iām-òⁿ goá.

³²In-ūi I m̄-sī sè-kan lāng chhin-chhiūⁿ goá, hō· goá thang ìn I, Iā hō· goán thang tui-sìn.

³³Goán tiong-kan bô ū phoàⁿ-toàn--ê. Thang hō· goán jī-pí hāng-hók i.

³⁴Goān I soá I ê koáiⁿ-á lī-khui goá, Bô ēng I ê ui-giām hō· goá kiaⁿ;

³⁵Goá chiū káⁿ kóng, iā bô kiaⁿ I; Chóng-sī goá pún m̄-sī hit-khoán.

10 Goá ê sim m̄-ài oáh: Goá beh toā-táⁿ kóng-chhut goá ê ai-oàn; Goá sim-lāi ê khó·-thàng, goá chiah beh kóng.

²Goá beh tui Siōng-tè kóng, Bôh-tit tēng goá ū-choē, Tiòh chí-sī goá, Lí ūi sím-mih in-toaⁿ kap goá cheng-piān.

³Lí kiāⁿ ap-chè, koh khoàⁿ-khin Lí ê chhiú só·-chō-ê, Koh ēng kng chiò pháiⁿ-lāng ê kè-bô, Lí kiám liáh chiah-ê choè-hó mah?

⁴Lí ê bák-chiu kiám sī bah-ê, Á-sī Lí teh khoàⁿ chhin-chhiūⁿ lāng teh khoàⁿ mah?

⁵Lí ê jīt-chí kiám chhin-chhiūⁿ lāng ê jīt-chí? Á-sī Lí ê nī chhin-chhiūⁿ lāng ê nī mah?

⁶Lí chiah kiū-khàm goá ê choē-giát, Chachhat goá ê choē-koà.

⁷Lí sī m̄-chai goá bô choē, Iā bô chit-ê oē kiū goá thoat-lī Lí ê chhiú mah?

⁸Lí ê chhiú ū chhòng-chō goá, tiau-tok goá ê sù-chi pah-thé, Lí iáu-kú teh húi-biát goá.

⁹Kiū Lí kī-liām, Lí bat chè-chō goá chhin-chhiūⁿ chhiau-thō· chit-poaⁿ; Lí beh hō· goá koh kui tī thô·-hún mah?

¹⁰Lí kiám m̄-sī piāⁿ-chhut goá chhin-chhiūⁿ nī, Hō· goá kiat kui-thng chhin-chhiūⁿ nī-piāⁿ mah?

¹¹Lí ēng phē kap bah hō· goá chhēng, Koh ēng kut kap kun hō· goá liān-lók.

¹²Lí ēng oáh-miā kap chū-ài hō· goá, Lí ê koàn-kò· pó-choân goá ê sīⁿ-miā.

¹³Chiah ê sū Lí lóng khng tī Lí ê sim; goá chai Lí pún ū chit ê ì-sù.

¹⁴Goá nā hoān-choē, Lí chiū chū-ì goá; Iā bô beh liáh goá choè bô choē.

¹⁵Goá nā kiāⁿ-pháiⁿ, chiū ū chai-ē, Goá nā choē-gī, iā m̄-káⁿ kiáh-khí thau; Moá-sim kiàn-siàu, Chhin-bák khoàⁿ-kìⁿ goá ê kan-khó.

¹⁶Goá nā thau kiáh-koáiⁿ, Lí chiū jip beh liáh goá chhin-chhiūⁿ sai, Koh hián-chhut Lí ê kī-rⁿ tī goá.

¹⁷Lí koh siat Lí ê kan-chèng kong-kek goá. Ke-thiⁿ Lí ê siū-khì tī goá; Kun-peng chit-tui kè chit-tui, kong-kek goá.

¹⁸Lí siáⁿ-sū hō· goá chhut-thai? m̄-tát-tiòh hit-sī tng-khui, Bô hō· lāng ê bák-chiu khoàⁿ-kìⁿ goá.

¹⁹Án-ni goá chiū ū, ná chhin-chhiūⁿ bô; Chit-ē chhut-thai chiū sàng jip bōng.

²⁰Goá ê jīt-chí kiám m̄-sī chin-chió mah? Kiū Lí chhiáⁿ-thēng, pàng-khoan goá,

²¹Hō· goá tī khì, bô tò-tng, chiū-sī khì o·-àm kap sí-ìm ê toē ê tãi-seng, Thang liòh-á tit-tiòh an-ù.

²²Hit ê toē àm-àm chhin-chhiūⁿ o·-bák, Sī sí-ìm hūn-tūn, I ê kng chhin-chhiūⁿ o·-bák.

11 Ná-má lāng Só-hoat ìn kóng,

²Oē hiah choē, kiám m̄-tiòh ìn mah? Kāu-oē ê lāng, kiám thang chheng-choē-gī mah?

³Lí teh khoa-kháu, lāng kiám tiòh chēng-chēng mah? Lí teh thí-chhiò ê sī, bô lāng hō·

lí kiàn-siàu mah?

⁴Lí kóng, Goá ê tō-lí sùn-choân, Goá tī lí ê bák-chiu-chêng chheng-khì.

⁵Chóng-sī goân Siōng-tè kóng-oē, Koh khui I ê chhui piān-pok lí;

⁶Chí-sī lí tì-hūi ê ò-biâu, Che tì-hūi ū tak-poaⁿ ê kong-hāu; Lí tiōh chai Siōng-tè bô lóng-chóng kì-tit lí ê choē-koà.

⁷Lí kiám-oē chhek-tók Siōng-tè ê ò-biâu mah? Lí kiám-oē chhek-tók Choân-lêng-ê kàu thiat-tí mah?

⁸I koàiⁿ chhin-chhiūⁿ thiⁿ, lí iáu oē choē sím-mih? Pí im-kan khah-chhim, lí iáu oē chai sím-mih?

⁹I ê liōng sī pí toē khah-tng, Pí hái khah-khoah.

¹⁰I nā keng-kè, lái koaiⁿ-kìm lāng, Tiàu lāng sím-phoàⁿ, chī-chūi oē chók-tòng I ah?

¹¹In-ūi I chai hu-kè ê lāng; Sui-jiân bô chù-ì, iā lóng khoàⁿ-kìⁿ choē-koà.

¹²Khang-hu ê lāng lóng bô sim-su, Lāng chhut-sì chhin-chhiūⁿ iá-lū ê lū-kiáⁿ.

¹³Lí nā toan-chiàⁿ lí ê sim, Koh òng I kiáh-khí chhiú;

¹⁴Lí ê chhiú-lāi nā ū choē-koà, chiū tiōh tū-khì hng-hng, Iā m̄-thang iōng-ún put-gī tiàm tī lí ê pò-piⁿ lái.

¹⁵Hit-sī lí tek-khak kiáh-khí lí bô hā-chhū ê bīn; Lí iā beh khiā-chāi, lóng bô kiaⁿ-hiāⁿ.

¹⁶In-ūi lí beh boē-kì-tit lí ê kan-khó; Chiū nā kì-tit, iā chhin-chhiūⁿ chúu lâu-kè--khì chhī-iūⁿ.

¹⁷Lí ê seng-hoat khah-iāⁿ jīt-tiong-tàu, Sui-jiân àm, iū-goân chhin-chhiūⁿ chá-khí-sī.

¹⁸Lí beh an-ún, in-ūi ū só· òng-bāng; Lí beh sì-koè sùn-khoàⁿ, chiū thang an-sim khùn.

¹⁹Lí beh tó-teh, iā bô ū phah-kiaⁿ lí ê, Koh ū choē-choē lāng tui lí kiū-un.

²⁰Chóng-sī pháiⁿ-lāng ê bák-chiu beh hoe; In bô lō· thang tō-cháu, in-só· òng-bāng chhin-chhiūⁿ khui-tng.

12 Iok-pek òn i kóng, Lín chin-chiàⁿ sī peh-siⁿ ah, Lín sí, tì-hūi iā kap lín sí.

³Goá iā ū sim-su, chhin-chhiūⁿ lín chhī-iūⁿ; Goá bô khah-su lín; Chiah ê tãi-chì sím-mih lāng m̄-chai?

⁴Goá sī kiū-kiò Siōng-tè, tit-tiōh I thiaⁿ ê lāng, Iáu-kú hō· táng-phoàⁿ ki-chhi; Kong-gī oân-choân ê lāng, iā hō· lāng ki-chhi.

⁵An-jiân ê lāng sim-lāi khoàⁿ-khin hoân-lān; Che hoân-lān piān-piān teh theng-hāu kha tiōh-tak ê lāng.

⁶Kiōng-tō ê pò-piⁿ heng-thong, Jiá-tiōh Siōng-tè ê lāng tit-tiōh an-jiân. Chiū-sī Siōng-tè toā siúⁿ-sù tī in ê chhiú--ê.

⁷Taⁿ lí khi mng cháu-siū, in beh kà-sī lí; Iā khi mng khong-tiong ê chiáu, in beh kà lí kóng;

⁸Á-sī kap toē kóng, i beh kà-sī lí; Hái-tiong ê hī iā beh kà lí kóng-bêng.

⁹Tī chiah-ê it-chhè, chī-chūi m̄ chai, Sī Iā-hô-hoa ê chhiú choē án-ni?

¹⁰It-chhè tōng-bút ê sīⁿ-miā, kap jîn-lūi ê chhoán-khui, Lóng tī I ê chhiú.

¹¹Hī-khang kiám boē chhi-giām giân-gú, Chhin-chhiūⁿ chiūⁿ-kiuⁿ chhi chu-bī mah?

¹²Nī-lāu--ê ū tì-hūi, Hè-siū choē-ê ū kiàn-sek.

¹³Tì-hūi kap lêng-lék chāi-tī Siōng-tè; I ū kè-ék kap kiàn-sek.

¹⁴Khoàⁿ ah, I thiah-húi-ê, boē-oē koh khí-chō; I koaiⁿ-kìm ê lāng, bô thang koh tháu-pàng.

¹⁵Khoàⁿ ah, I kìm-chí hiah ê chúu, chúu chiū ta--khì; I koh hō· chúu lâu-chhut, toē chiū piàn-chhian.

¹⁶Koân-lêng kap hâu-lék chāi-tī I; Siū bê-hék, kap bê-hék lāng--ê, lóng siók tī I.

¹⁷I hō· bô·-sū tú-tiòh chhiúⁿ-liáh; Koh hō· sím-phoàⁿ-sì pìⁿ-chiâⁿ gōng-lāng.

¹⁸I tháu-pàng kun-ông ê khún-pák, Koh ēng toà pák in ê io.

¹⁹I hō· chè-si tú-tiòh chhiúⁿ-liáh, Koh chia-tó ū koân-lêng ê lāng.

²⁰I koé-chhoah tiong-sìn ê lāng ê oē, Koh tū-khì lāu-lāng ê kiàn-sek.

²¹I hō· kùì-chók siū lêng-jiók; Koh tháu-khui ū lát ê lāng ê io-toà.

²²I tui o·-àm-tiong hián-chhut chhim-ò ê sū; Koh toà-chhut sí-ìm kàu kng-bêng ê só·-chāi.

²³I hō· pang-kok heng-ōng, iā koh húi-biát i; I hō· pang-kok khui-khoah, iā koh chhian-soá in.

²⁴Toē-chiūⁿ peh-sìⁿ ê thâu-lāng, I tū-khì in ê sim-su; Hō· in phiau-liú tī bô lō· ê không-iá.

²⁵In bô kng, tī o·-àm-tiong sì-koè bong; Koh hō· in tian-lâi tian-khì, chhin-chhiūⁿ chiú-chui ê lāng chit-iūⁿ.

13 Khoàⁿ ah, che it-chhè goá ê bák-chiu lóng khoàⁿ-kè, Goá ê hī-khang lóng thiaⁿ-kè, iā bêng-pék.

²Lín só· chai-ê, goá iā chai; Goá bô khah-su lín.

³Goá sit-chāi ài kap Choân-lêng-ê kóng-oē; Goá chin ài kap Siōng-tè lí-lūn.

⁴Chóng-sī lín sī liap-chō pèh-chhát-oē ê, Lóng sī bô lō·-ēng ê i-seng.

⁵Goān lín it-khài chēng-chēng, chiah sng sī lín ê tì-hui.

⁶Chhiáⁿ lín thiaⁿ goá ê lí-lūn, Tì-ì thiaⁿ goá ê chhui ê hun-sò·.

⁷Lín beh ūi Siōng-tè lâi kóng put-gī ê oē mah? Ūi I kóng khui-chà ê oē mah?

⁸Lín kiám beh phian-thán I mah? Beh ūi Siōng-tè piān-hō· mah?

⁹I nā chhâ-chhut lín, kiám ū hó mah? Lín oē phiàn I chhin-chhiūⁿ phiàn lāng mah?

¹⁰Lín nā àm-chīⁿ phian-thán, I tek-khak beh chek-pī lín.

¹¹I ê ui-giām kiám bô hō· lí kiaⁿ mah? I ê thang kiaⁿ-ùi, kiám bô līm-kàu lín mah?

¹²Lín só· kì-liām ê chim-giân sī chhin-chhiūⁿ hé-hu; Lín ê iāⁿ-chē sī thô·-bê ê iāⁿ-chē.

¹³Lín chēng-chēng, bôh-tit chhap goá, kù-chāi goá kóng, Chiū bô-lūn sím-mih choè i lâi.

¹⁴Goá siáⁿ-sū chiong goá ê bah kā tī goá ê chhui-khí, Chiong goá ê sìⁿ-miā hē tī goá ê chhiú ah?

¹⁵Khoàⁿ ah, I beh thài-sí goá, goá bô thang òng-bāng; Chóng-sī goá beh tī I ê bīn-chēng piáu-pék goá ê só· kiâⁿ.

¹⁶Che beh chiâⁿ-choè chín-kiù goá ê; In-ūi bô khiân-sêng ê lāng boē tit kàu I ê bīn-chēng.

¹⁷Lín tiòh soè-jī thiaⁿ goá ê oē, Hō· goá só· piān-lūn-ê jip lín ê hī-khang.

¹⁸Khoàⁿ ah, goá ū pài-liát goá ê àn-kiâⁿ, Goá chai goá beh tit-tiòh chheng-choè-gī.

¹⁹Chī-chui oē kap goá piān-lūn ah? Ū, goá chiū chēng-chēng lâi tng-khui.

²⁰Tòk-tók ū nng-hāng, bôh-tit kiâⁿ tī goá, Goá chiū bô siám-pī lī-khui lí ê bīn.

²¹Chiū-sī Lí ê chhiú kiu tò-tng, lī-khui goá hng-hng; Koh bô ēng Lí ê ui-giām hō· goá kiaⁿ;

²²Án-ni, Lí kiò, goá chiū ìn; Á-sī hō· goá kóng, Lí ìn goá.

²³Goá ê choē-koà kap kè-sit ū joā-choē ah? Kiú Lí hō· goá chai goá ê kè-sit, goá ê choē-koà.

²⁴Lí siáⁿ-sū ng Lí ê bīm, Liáh goá choè Lí ê tùi-ték ah?

²⁵Lí kiám beh iô-tāng hō· hong chhe ê chhiū-hiòh mah? Tui-jip ko·-tâ ê chháu mah?

²⁶In-ūi Lí kì-chài kan-khó· ê sū lâi pān goá; Koh hō· goá tam-tng siàu-liân ê sī ê choē-koà.

²⁷Lí ēng kha-khàu khàu goá ê kha, tì-khoàⁿ goá it-chhè ê lô·; Lí kâ goá ê kha-toé ùih-tiāⁿ kài-hān.

²⁸Goá beh siū pāi-hoāi, chhin-chhiūⁿ chhàu-noā ê mih, Chhin-chhiūⁿ tiòh chiù-thang ê saⁿ.

14 Tùi hū-jîn-lâng só· siⁿ ê lâng jít-chí té-chió, Ū choē-choē hoàn-ló.

²I chhut chhin-chhiūⁿ hoe, soà siā-khì, I cháu-khì chhin-chhiūⁿ iáⁿ, iā bô theng-teh.

³Chhin-chhiūⁿ chit-hō ê lâng, Lí kiám khui Lí ê bák-chiu khoàⁿ i ah? Koh chhoā goá siū Lí ê sím-phoàⁿ?

⁴Chī-chui oē hō· chheng-khì-ê tùi bô chheng-khì-ê chhut-lâi? Bô chit-ê oē.

⁵I ê jít-chí kì-jiân siū hān-tiāⁿ, i ê gèh ê siàu-giáh chāi-tī Lí; Lí iā siat i ê kài-hān, hō· i boē-oē poāⁿ-kè;

⁶Chiū kiū Lí bák-chiu oát-túg bô khoàⁿ i, hō· i oē an-tit, Chhin-chhiūⁿ chhiàⁿ-kang lâng choē-oân i ê kang.

⁷In-ūi chhiū nā chhò--khí-lâi, iáu-kú ū òng-bāng koh puh-íⁿ; Nóg ê ki hoat bô soah.

⁸Sui-jiân i ê kun tī toē--nih chin lâu, I ê chāng iā sí tī thô--nih;

⁹Kàu tit-tiòh chúi lūn-ték chiū oē koh hoat-íⁿ, Iā chhin-chhiūⁿ chài-chèng ê mih hoat-ki.

¹⁰Chóng-sī lâng sí, chiū tó tit-tít, Khui chit-ē tng, lâng tī toh-lòh?

¹¹Hái-tiong ê chúi beh choát-tng, Hô-chúi beh siau-bô ta--khì;

¹²Lâng iā-sī án-ni, tó-lòh-khì boē koh khí-lâi, Kàu thiⁿ bô--khì, iā boē cheng-sín; Tng-tng khùn kiò boē chhiⁿ.

¹³Goān Lí khng goá tī im-kan, Siu goá tī ún-bát ê só·-chāi, theng-hāu Lí ê siū-khì soah, Kā goá tiāⁿ-tiòh jít-kí, lâi kì-liām goá.

¹⁴Lâng sí oē koh-oáh mah? Goá chiū thun-lún goá lô-khó· ê jít, Theng-hāu goá thoè-oāⁿ ê jít kàu.

¹⁵Lí chit-ē kiò, goá chiū ìn Lí; Lí oē him-bō· Lí ê chhiú só·-choè-ê.

¹⁶Chóng-sī taⁿ Lí sng goá ê kha-pō·; Kiám bô kàm-chhat goá ê choē-koà mah?

¹⁷Goá ê kè-sit hō· Lí hong tī tē-á-lâi; Goá ê choē-koà Lí pák tiâu-tiâu.

¹⁸Soaⁿ pang chiū soàⁿ-soàⁿ khì, Chiòh-thâu soá-lī i ê pún-ūi.

¹⁹Chúi oē boā-liáu chiòh-thâu; Toā-chúi oē chhiong-bô toē-chiūⁿ ê thô·; Lí iā án-ni choát lâng ê òng-bāng.

²⁰Lí éng-oán khah-iāⁿ i, i chiū kè-khì; Lí piàn-oāⁿ i ê bīm-māu, lâi chhe i khì.

²¹I ê kiáⁿ-jī tit-tiòh êng-kng, i m̄-chai, In tú-tiòh kàng-kē, i iā m̄-chai.

²²Tók-tók i ê jiók-sin ka-kī teh thàng-thiāⁿ, I ê sîn-hūn ka-kī teh iu-būn.

15 Thê-bān lâng Í-lī-hoat ìn kóng, Tì-hui ê lâng kiám beh ēng khang-hu ê tì-sek lâi ìn, Á-sī ēng tang-hong chhiong-moá i ê pak-tó mah?

³I kiám beh ēng bô lī-ek ê oē, Kap bô lô·-ēng ê oē lâi piàn-lūn mah?

⁴Lí sít-chāi hoē-bô keng-ùi, Tī Siōng-tè ê bīm-cheng chók·-tòng keng-khiân ê sim.

⁵In-ūi lí ê choē-koà kà-sī lí ê chhui, Lí keng khui-chà ê lâng ê chhih.

⁶Tēng lí ê choē--ê sī lí ê chhui, m̄-sī goá; Lí ê chhui-tūn kan-cheng lí ê m̄-tiòh.

⁷Lí sī thâu-chit-ê chhut-sì ê lāng mah? Á-sī pí chiah ê soaⁿ khah tãi-seng siū-chō mah?

⁸Siōng-tè pì-bát ê chí-ì, lí bat thiaⁿ-kìⁿ mah? Tì-hùi kiám sī lí tòk tit mah?

⁹Ū sím-mih lí chai, goán m̄-chai mah? Á-sī lí beng-pék, goán bô beng-pék ah?

¹⁰Goán tiong-kan ū thâu-m̄ng pèh ê, kap nî-lāu ê, Pí lí ê lāu-pē iáu khah lāu.

¹¹Siōng-tè ê an-ùi, í-kíp I un-hô khng lí ê oē, Lí khoàⁿ-choē sió-khoá mah?

¹²Lí ê sim siáⁿ-sū liáh lí khi? Lí ê bák-chiu siáⁿ-sū teh gín?

¹³Chiah hō· lí ê sîn hoán-tùi Siōng-tè, Iā hō· lí ê chhui kóng hiah ê oē.

¹⁴Sè-kan lāng sī sím-mih, oē sng-choē chheng-khi ah? Hū-jîn-lāng só·-siⁿ-ê sī sím-mih, oē sng-choē kong-gī mah?

¹⁵Khoàⁿ ah, Siōng-tè bô sìn-jīm I ê sèng-ê; Chiah ê thiⁿ tī I bìn-chêng iā bô chheng-khi.

¹⁶Hô-hòng khó·-òⁿ hú-pāi ê lāng, Lim choē-ok chhin-chhiūⁿ lim-chúi-ê ah?

¹⁷Goá beh chí-sī lí, lí tiòh thiaⁿ goá; Goá beh kóng-khi só· khoàⁿ-kìⁿ ê.

¹⁸Chiū-sī tì-hùi ê lāng tùi liát-chó· só· thoân lāi, Iā bô ún-bát ê.

¹⁹Chit ê toē tòk-tók siúⁿ-sù in; Iā bô goā-lāng tùi in tiong-kan keng-kè.)

²⁰Pháiⁿ-lāng it-seng ê jlt-chí sī thòng-khó·, Chiū-sī ūi kiông-pō ê lāng só· tiāⁿ-tiòh ê nî-giáh.

²¹Thang kiaⁿ ê siaⁿ siōng-siōng tī i hī-khang; Tī pêng-an ê sī, húi-biát--ê beh kàu i hia.

²²I m̄-sìn oē tùi o·-àm tng--lái; I hō· to-kiàm thèng-hāu i.

²³I sì-koē liú thó chiáh, kóng, Toh-lóh ū ah? I chai ū o·-àm ê jlt piān-piān teh thèng-hāu i.

²⁴Hoān-lān khùn-khó· hō· i kiaⁿ-hiāⁿ, koh iāⁿ i; Chhin-chhiūⁿ kun-ông pī-pān chhut tīn chit-iūⁿ.

²⁵In-ūi i chhun-chhiú kong-kek Siōng-tè, Ēng kiau-ngō· khòng-kū Choân-lêng--ê.

²⁶I Ēng ngī ê âm-kún, kàu ê tīn-pāi, Cháu-lai tí-ték Choân-lêng--ê.

²⁷In-ūi i ê bīn chín pui, I ê io pui kàu ū lā.

²⁸I khiā-khi tī hong-hoē ê siāⁿ, Bô lāng khiā-khi ê chhù, Chiū-sī tit-beh piān-choē thô·-tui ê.

²⁹I boē tit-tiòh hó-giáh, chài-bút boē tng-tng tī-teh; In ê thó·-sán iā boē siⁿ-thoàⁿ tī toē--nih.

³⁰I boē thoat-lī o·-àm; Hé-iām beh sio-ta i ê ki, I beh tùi Siōng-tè chhui-lāi ê khi lāi bô--khi.

³¹I m̄-thang oá-khò hu-ké, lāi ka-kī phiàn; In-ūi hu-ké beh chiāⁿ-choē i ê pò-èng.

³²I ê jlt-kī bē kàu ê tiā-seng, chit ê tiā-chì beh chiāⁿ; I ê ki boē chhiⁿ-chhui.

³³I beh chhin-chhiūⁿ phū-tô-chhiū, i ê liáp bē sék chiū lak, Koh chhin-chhiūⁿ kaⁿ-ná-chhiū lak i ê hoe.

³⁴Bô khiân-sêng ê lūi tek-khak bô siⁿ-thoàⁿ, Pò·-lō·--ê ê pò·-pīⁿ, beh hō· hé sio--khi.

³⁵In hoài-īn chân-hāi, siⁿ-chhut choē-giát, Pak-lāi só· pī-pān-ê sī khúi-chà.

16 Iok-pek in kóng, chit-hō ê oē, goá ū thiaⁿ-kìⁿ choē-choē lah; Lín ê an-ùi lóng sī hō· lāng tò kan-khó·.

³Chit-hō hong-tōng ê oē, ū kiông-chīn mah? Ū sím-mih kek-tōng lí lāi in mah?

⁴Goá iā oē kóng chhin-chhiūⁿ lín chit-hō ê oē; Lín nā tiām-tī goá ê keng-gū, goá iā oē tàu kui-koāⁿ ê oē lāi kong-kek lín; Koh oē tùi lín iō goá ê thâu.

⁵Chóng-sī goá oē ēng chhùi hō· lín kian-kò·;
Ēng chhùi-tún ê an-ùi hō· lín kiám-khin.

⁶Goá nā kóng-oē, goá ê iu-būn iū-goân bô
kiám-khin; Goá nā chēng-chēng, chiū iu-būn
oē lī-khui goá mah?

⁷Chóng-sī taⁿ I hō· goá khùn-khó·; Lí hō·
goá ê tâng-phoāⁿ lī-khui goá.

⁸Lí ū liáh-tiōh goá, sī thang choè kan-
chèng, Goá ê siau-sán khí-lâi kong-kek goá;
Tng goá ê bīn-chēng choè kan-chēng.

⁹I siū-khi, thiah-līh goá, khún-pek goá, I
tùi goá kā-khi; Goá ê tùi-ték bák-chiu kim-
kim gín goá.

¹⁰In tùi goá khui in ê chhùi, Siàn goá ê
chhùi-phoé lâi lêng-jiók goá; In chū-chíp lâi
kong-kek goá.

¹¹Siōng-tè chiong goá kau-hō· put-gī ê lāng,
Chiong goá hiat tī pháiⁿ-lāng ê chhiú.

¹²Goá an-jiân ê sī, I kā goá at-chih, Nih
goá ê âm-kún, kā goá siak chhùi-chhùi; Koh
chhāi goá choè I ê chīⁿ-pé.

¹³I ê chīⁿ sì-bīn ūi goá, phoà-līh goá ê
chōng-hú; Iā bô khoan-sù, chiong goá ê táⁿ
piāⁿ tī toē--nih.

¹⁴I phah goá, phah-liáu koh phah; Chhin-
chhiūⁿ íong-sū cháu-lâi kong-kek goá.

¹⁵Goá thiⁿ moā-pò· tī goá ê phē-hu, Chiong
goá ê kak tám-lóh thô·.

¹⁶Goá ê bīn in-ūi lâu bák-sái chiū piàn âng;
Tī goá ê bák-chiu-phē ū sí ê ìm-úg.

¹⁷Chóng-sī goá ê chhiú bô pō-giók; Goá ê
kī-tó iā sī chheng-khi.

¹⁸Toē ah, bóh-tit jia-khàm goá ê huìh; goān
goá ê âu-kiò bô theng-hioh ê só·-chāi.

¹⁹Khoàⁿ ah, taⁿ goá ê kan-chēng tī thiⁿ--
nih, Goá ê pó-jīn-ê tī téng-bīn.

²⁰Goá ê pēng-iú ki-chhi goá, chóng-sī goá ê
bák-chiu òng Siōng-tè lâu bák-sái.

²¹Goān I òng Siōng-tè lâi thoè lāng piān-
bēng; Iā thoè lāng ê kiáⁿ tī i ê chhù-piⁿ piān-
bēng.

²²In-ūi koh kè kúi-nā nī, goá beh kiáⁿ hit
tiâu khi bô koh tò-túg ê lō·.

17 Goá ê khui choát lah, goá ê jīt-chí biát-
chīn lah; Goá ê hūn-bōng piān lah.

²Sit-chāi ū ki-chhi goá-ê tī goá chia; goá
ê bák-chiu siōng-siōng khoàⁿ-kìⁿ in chhi-kek
goá ê sū.

³Goān Lí ēng chún-tng hō· goá, kā goá choè
pó-jīn tī Lí ê bīn-chēng, Ū chī-chui kheng kap
goá tūn-chhiú?

⁴In-ūi Lí jia-khàm in ê sim, hō· in bô bēng-
lī, Só·-í Lí bô beh hō· in seng-koāiⁿ.

⁵Lāng kau-hù i ê pēng-iú khi hō· lāng
chhiúⁿ-toát, I ê kiáⁿ ê bák-chiu beh sit-bēng.

⁶Goá chiáⁿ-choè peh-siⁿ-tióng ê chhiàu-
tām; Goá hō· lāng noā phui kàu bīn--nih.

⁷Goá ê bák-chiu in-ūi iu-būn lâi ian-ng,
Goá ê pah-thé lóng chhin-chhiūⁿ iáⁿ.

⁸In-ūi án-ni chēng-tit ê lāng beh gōng-
ngiáh, Bô-choē ê lāng beh kek-lē ka-kī lâi
kong-kek bô kēng-khiān ê lāng.

⁹Gī ê lāng iā beh kian-siū i só· kiáⁿ ê lō·,
Chhiú chheng-khi ê lāng beh ná ke-thiⁿ i ê
khui-lát.

¹⁰Chóng-sī lín chēng-lāng chhiáⁿ lín koh lâi,
In-ūi lín tióng-kan goá chhē bô chit-ê tì-hui ê
lāng.

¹¹Goá ê jīt-chí í-keng kē-sin, goá ê kē-ék,
Goá ê sim só·-siūⁿ-ê, í-keng toān-choát.

¹²In liáh mī choè jīt, kóng, Kng kūn tī o·-
àm.

¹³Goá nā òng-bāng im-kan choè goá ê chhù,
Goá nā pho· bīn-chhng tī o·-àm tióng;

¹⁴Goá nā tùi hiú-noā kóng, Lí sī goá ê lâu-
pē, Tùi thāng kóng, Lí sī goá ê lâu-bú goá ê

chí-bē;

¹⁵Án-ni goá ê òng-bāng tī toh-lòh? Goá ê òng-bāng chí-chūi oē khoàⁿ-kìⁿ ah?

¹⁶Kàu choè-chit-ē an-hioh tī thôⁿ--nih ê sí, Che òng-bāng beh lòh-kàu im-kan ê mng-chhoàⁿ hia.

18 Su-a lāng Pí-lèk-tát ìn kóng, Lí teh chhē oē-phāng beh kàu sím-mih sí ah? Lí tiòh chim-chiok siūⁿ, jiān-āu goán chiah kóng.

³Goán siáⁿ-sū hōⁿ lí liáh-choè cheng-siⁿ, Hōⁿ lí khoàⁿ-choè lāu-siōng ah?

⁴Lí chit-ē toā siū-khì thiah-lih ka-kī ê, Toē kiám oē ūi-tiòh lí lāi siū khi-sak mah? Chiòh-poāⁿ kiám oē soá-khui goān-ūi mah?

⁵Pháiⁿ-lāng ê kng sít-chāi beh hoa, I ê hé-iām beh bô kng.

⁶I pòⁿ-pīⁿ-lāi ê kng beh pìⁿ-choè oⁿ-àm, I téng-bīn ê teng iā beh hoa--khì.

⁷I giám-ngī ê kha-pòⁿ, beh tú-tiòh chók-gāi, I ê kè-bôⁿ beh poāⁿ-tó i ka-kī.

⁸In-ūi i ê kha hāi i ka-kī jlp hām-khiⁿ, I kiāⁿ tī oáh-tauⁿ ê téng-bīn.

⁹Khoān-thò beh tīⁿ-tiòh i ê kha-āu-tiⁿ, Lô-bāng beh liáh-tiòh i.

¹⁰Oáh-khauⁿ ūi-tiòh i tāt tī thôⁿ--nih, Poāⁿ-soh ūi-tiòh i tiuⁿ tī lôⁿ-nih.

¹¹Sì-ūi ū kiaⁿ-hiāⁿ, beh hōⁿ i kiaⁿ, Koh tui-koáⁿ i ê kha-āu-tiⁿ.

¹²I ê khui-lát beh soe-bī, Chai-ē piān-piān tī i ê sin-piⁿ.

¹³I beh thun i ê phê-bah. Pháiⁿ cheng-thâu beh thun-chiáh i ê chí-thé.

¹⁴I beh tī sóⁿ oá-khò ê pòⁿ-pīⁿ siū puih--chhut-lái, Toā kàu thang kiaⁿ ê ông hia.

¹⁵Bô siók-i-ê beh khiā-khí tī i ê pòⁿ-pīⁿ; Beh ū jiū-ngi iā tī i sóⁿ khiā-khí ê sóⁿ-chāi.

¹⁶Tī ē-toé i ê kun-thâu beh koⁿ-tā, Tī téng-bīn i ê ki beh chián-tū.

¹⁷I ê kì-liām beh biát-bô tī toē-chiūⁿ, I ê miā-jī iā bô lâu tī koe-chhiⁿ--nih.

¹⁸I beh tui kng-bēng-tiong siū koáⁿ kàu oⁿ-àm; Koh beh siū koáⁿ-chhut sè-kài.

¹⁹Tī i ê peh-siⁿ-tiong beh bô-kiáⁿ bô-sun, Tī i kià-kha ê sóⁿ-chāi, iā bô lâu chit-lāng tī teh.

²⁰Ūi-tiòh i ê jít-chí, āu-lāi ê lāng gōng-ngiáh, Chhin-chhiūⁿ cheng ê lāng ê kiaⁿ-hiāⁿ.

²¹Put-gī ê lāng ê ke, sít-chāi sī án-ni, Che chiū-sī m-bat Siōng-tè ê lāng ê sóⁿ-chāi.

19 Iok-pek ìn kóng, Lín hōⁿ goá ê sim iu-khók, Ēng oē siong-hāi goá, beh kàu tī-si ah?

³Lín che chấp-pái lēng-jiók goá, Lín pháiⁿ khoán-thāi goá, iā bô ka-kī kiàn-siāu.

⁴Goá nā kó-jiān ū kè-sit, Che kè-sit sī chāi-tī goá ka-kī.

⁵Lín kó-jiān beh tui khoa-kháu toā, Koh ēng goá ê lēng-jiók chek-pī goá;

⁶Chiū tiòh chai che sī Siōng-tè óng-khut goá, Ēng I ê lô-bāng ūi goá.

⁷Khoàⁿ ah, goá in-ūi oan-óng lāi âu-kiò, iā bô tit-tiòh thiaⁿ, Goá háu-kiù, iā bô tit-tiòh kong-toàn.

⁸I ūi-chāh goá ê lôⁿ, hōⁿ goá boē-tit kè-khì, Koh hōⁿ goá ê lôⁿ-keng oⁿ-àm.

⁹I theng--khì goá ê ēng-kng, Liù--khì goá ê thau-khak-téng ê bián-liū.

¹⁰I tī sì-ūi húi-hoāi goá, goá chiū bô--khì; Goá ê òng-bāng puih--khì-lái, chhin-chhiūⁿ puih chhiū.

¹¹I ê siū-khì liát-liát kong-kek goá, I liáh goá choè I ê tui-ték ê chit-ē.

¹²I ê kun-peng chit-choē lāi, chō in ê lôⁿ lāi kong-kek goá, Chat-iāⁿ tī goá ê pòⁿ-pīⁿ ê sì-ūi.

¹³I hōⁿ goá ê hiaⁿ-tī keh-khui hng-hng, Saⁿ-bat ê lāng kap goá chhiⁿ-soⁿ.

¹⁴Goá ê chhin-lâng kap goá toān-choát, Goá chhin-bit ê pêng-iú lóng boē kì-tit goá.

¹⁵Kià-kha tī goá chhù-lāi ê lāng, í-kíp goá ê lú-pī, lóng khoàⁿ goá choē goā-lāng; In khoàⁿ goá choē goā-pang lāng.

¹⁶Goá kiò goá ê lô·pòk, i m̄ in, Goá tiòh chhin-chhùi kiū i.

¹⁷Goá chhùi ê khi-bī hō· goá ê bó· iām-chiān; Kap goá siāng-pak-ê iā iām-chiān goá ê chhàu-bī.

¹⁸Liān gín-ná iā khoàⁿ-khin goá; goá nā khí-lāi, in lóng ki-chhi goá.

¹⁹Goá chhin-bit ê pêng-iú lóng iām-chiān goá; Goá pêng-jit só· thiàⁿ ê lāng, tui goá pīⁿ-bīn.

²⁰Goá ê phê mo·h tī goá ê kut; Goá chí-ū chhun chhùi-khí-hoāⁿ.

²¹Goá ê pêng-iú ah, lín tiòh khó-lín goá, khó-lín goá; In-ūi Siōng-tè ê chhiú bong--tiòh goá.

²²Lín siáⁿ-sū chhin-chhiūⁿ Siōng-tè khún-pek goá, Liáh goá ê bah choē bô thang pá-chiok mah?

²³Taⁿ goān chiong goá ê oē siá--khí-lāi, Koh kì tī chheh--nih;

²⁴Ēng thih-chām ēng iān khek-tiāu tī chiòh-nih; Hō· i éng-éng tī-teh.

²⁵In-ūi goá chai kiù-siòk goá--ê sī oáh-ê; Jit-āu i beh khiā tī thô· ê téng-bīn;

²⁶Goá chit ê phê pāi-hoāi liáu-āu, Goá beh tī jiòk-thé ê goā-bīn tit-tiòh kìⁿ Siōng-tè.

²⁷Goá pún-sin beh khoàⁿ-kìⁿ I sī ūi-goá--ê, Goá chhin-bák khoàⁿ-kìⁿ I m̄-sī goā-lāng; Goá ê sim-tng tī goá ê lāi-bīn kàu iūⁿ--khi.

²⁸Lín nā kóng, Goán beh cháiⁿ-iūⁿ khún-pek i! Tāi-chì ê kun-pún chái-tī goá;

²⁹Lín tiòh kiaⁿ to-kiām, in-ūi siū-khi chiū

ū to-kiām ê hêng-hoát, Hō· lín chai ū sim-phoàⁿ.

20 Ná-má lāng Só-hoat in kóng, Goá ê sim-lāi tiòh-kip, Só-í goá ê sim-su pek goá tiòh in.

³Goá thiaⁿ-kìⁿ hit ê lêng-jiòk Goá ê chek-pī, Goá tì-hui ê sim kà goá in.

⁴Lí kiám m̄-chai tui kó·chá, Tui ū lāng tī sè-kan í-lāi;

⁵Pháiⁿ-lāng ê tãi-iát bô kú-tng, Bô keng-khiān ê lāng ê hoaⁿ-hí bák-nih-kú nā-tiāⁿ?

⁶I ê koàiⁿ sui-jiān tú-thiⁿ, I ê thau-khak sui-jiān kàu hūn--nih;

⁷I kàu-bé beh biát-bô, chhin-chhiūⁿ i ê pùn chit-iūⁿ; Pêng-sò· khoàⁿ-kìⁿ i ê lāng beh kóng, I tī toh-lòh ah?

⁸I beh chhin-chhiūⁿ bīn-bāng pe--khi, bô thang chhē-tiòh; I beh siū koáⁿ-cháu, chhin-chhiūⁿ mī-sī ê īⁿ-siōng.

⁹Pêng-sò· khoàⁿ-kìⁿ i ê, i ê bák-chiu boē koh khoàⁿ-kìⁿ i; I ê pún só·chāi iā bô koh khoàⁿ-kìⁿ i.

¹⁰I ê kiáⁿ-jī beh tui sòng-hiong lāng kiū-un, I ê chhiú beh hêng hē-chai.

¹¹I ê kut moá-moá ū siāu-liān ê lát; Chóng-sī beh kap i saⁿ-kap tó tī thô--nih.

¹²Choē-ok tī i ê chhùi sui-jiān tīⁿ, Sui-jiān i khng tī i ê chih-ē;

¹³Sui-jiān pó-sioh, m̄-khéng pàng-sak, Tiāⁿ-tiāⁿ kām tī i ê chhùi;

¹⁴I ê chiáh-mih kàu i ê tng-á chiū piàn, Chiáⁿ-choē tók-choá ê táⁿ tī i ê lāi-bīn.

¹⁵I thun-chiáh chái-pó, beh koh thờ·-chhut; Siōng-tè beh tui i ê pak-tó· jīm--chhut-lāi.

¹⁶I beh suh tók-choá ê tók; Choá ê chih iā beh hāi-sí i.

¹⁷I boē tit-tiòh khoàⁿ-kìⁿ kang-hô, Láu bit kap lín ê khoe.

¹⁸I tiòh-boā só· tit-tiòh--ê, tiòh hêng lêng, bô thang chiáh--lòh-khì, Boē-oē chiàu só· kau-ék ê chài-bút lâi hoaⁿ-hí.

¹⁹In-ũi i ap-chè sòng-hiong lêng, koh khì-sak i; Kiông-chiàm lêng ê chhù, iā boē-oē khí-chō.

²⁰In-ũi i ê sim-lāi bē-bat an-chēng, I só· hoaⁿ-hí-ê lóng boē pó-choân.

²¹Bô chit-kiāⁿ bô hō· i thun--lòh-khì, Só·-í i ê hok-lók boē kú-tng.

²²Tng i hó-giáh chhiong-chiok ê sī, beh kàu oēh-toēh ê só·-chāi; Kan-khó· ê lêng lóng beh chhut-chhiú phah i.

²³I ê pak-tó· beh pá ê sī, Siōng-tè beh kàng bég-liát ê siū-khì tī i; I teh chiáh ê sī, beh kàng siū-khì tī i ê téng-bīn.

²⁴I siám-lī thih ê khì-kū, Tàng ê keng beh siā-thàu i.

²⁵I chit-ē pūih i, chiū tui i ê seng-khu chhut-lâi, Kng-nà-nà ê chīⁿ-bé beh tui i ê táⁿ chhut; Kiaⁿ-hiāⁿ beh kàu tī i.

²⁶It-chhè ê o·-àm siu-khng ũi-tiòh i ê chài-pó, Lêng só· bô pūn ê hé beh sio-biát i; Koh beh sio-húi lâu tī i ê pò·-pīⁿ ê.

²⁷Thiⁿ beh hián-bēng i ê choē-ok, Toē beh khí-lâi kong-kek i.

²⁸I ê ke-hé beh bô--khì, Lóng beh siao-biát tī Siōng-tè siū-khì ê jít.

²⁹Che chiū-sī pháiⁿ-lêng tui Siōng-tè só· tit ê hūn-giáh; sī Siōng-tè kā i tiāⁿ-tiòh ê sán-giáp.

21 Iok-pek in kóng, Lín tiòh tì-ì thiaⁿ goá ê oē, Ēng chit-ê choē lín ê an-ùi.

³Chhiáⁿ khoan-iông goá, goá beh koh kóng, Goá kóng-liáu, kù-chāi lí ki-chhi.

⁴Lūn-kàu goá, goá kiám-sī tui lêng ai-oàn? Goá ê sim-sin cháiⁿ-iūⁿ bô tiòh-kip ah?

⁵Lín tiòh khoàⁿ goá lâi gông-ngiáh, Ēng chhiú ng-chhiú.

⁶Goá nā siūⁿ-tiòh, chiū kiaⁿ, Thong seng-khu ngiáuh-ngiáuh-chhoah.

⁷Pháiⁿ-lêng siáⁿ-sū oáh-teh, chiáh tng hē-siū, Sè-lèk kiông-sēng ah?

⁸In khoàⁿ-kìⁿ kiáⁿ-sun, kap in píⁿ-píⁿ sēng-lip; In ê hō·-è tī in ê bák-chiu-chēng iā sī án-ni.

⁹In ê ke-koàn an-jiân bô kiaⁿ; Siōng-tè ê koáiⁿ iā bô phah in.

¹⁰In ê gū-káng siⁿ-thoàⁿ bô tng, In ê gū-bú siⁿ-kiáⁿ, iā bô tui-thai.

¹¹In chhe gín-ná chhut-khì, chhin-chhiūⁿ iūⁿ-kūn, In ê kiáⁿ-jī sī-koē tiò-thiàu.

¹²In tē lín-long-kó· kap khim lâi chhiūⁿ-koa, Koh in-ũi phín-siao ê siaⁿ lâi hoaⁿ-hí.

¹³In tō· kè jít, sū-sū heng-thong; bák-nih-kú lòh im-kan.

¹⁴In tui Siōng-tè kóng, Tiòh lī-khui goán, Goán m̄ ài bat Lí ê lō·.

¹⁵Choân-lêng-ê sī chī-chhiū, hō· goán tiòh hók-sāi I ah? Goán kī-kiū I, ũ sím-mih lī-ek ah?

¹⁶Khoàⁿ ah, in ê hok-khì m̄-sī tī in ê chhiú; goán pháiⁿ-lêng ê kē-bô lī-khui goá hng-hng.

¹⁷Pháiⁿ-lêng ê teng beh hoa, chai-ē kàu tī in; Siōng-tè ê siū-khì hō· in tú-tiòh kan-khó·, ũ joā-choē pái ah?

¹⁸In chhin-chhiūⁿ hong-chēng ê chháu-á-iù, Chhin-chhiūⁿ kông-hong chhe--khì ê chho·-khng ũ joā-choē pái ah?

¹⁹Lín kóng, Siōng-tè chiong i ê choē-ok kā i ê kiáⁿ chek-chū teh; Goá kóng, M̄-tát-tiòh pò-èng i pún-sin hō· i ka-kī chai;

²⁰Hō· i chhin-bák khoàⁿ-kìⁿ ka-kī pāi-hoāi, Pún-sin lim Choân-lêng-ê ê siū-khì.

²¹I ê nî-gêh poàⁿ-tiong-tng choát-tng, Kè-sì-liáu, i tī i ê ke ū sím-mih khoài-lók ah?

²²Siōng-tè sím-phoàⁿ hiah-ê tī koàiⁿ-ūi ê, Chī-chūi oē chiong tì-sek kà-sī I ah?

²³Ū lāng kàu-sí khùi-lát chiâu-pī, Moá-moá tit-tiòh pêng-chēng an-jiân.

²⁴I ê heng-háh chin pui, I ê kut-chné lūn-ték.

²⁵Ū-lāng kàu-sí, sim thòng-khó·, Lóng bē bat chhi-tiòh hok-khì.

²⁶In lóng chít-iūⁿ tó tī thô--nih, Hō· thāng khàm-bát.

²⁷Khoàⁿ ah, goá chai lín ê ì-sù, Kap lín oan-óng goá ê kè-bô·.

²⁸In-ūi lín kóng, Pà-ông ê chhù tī toh-lóh? Pháiⁿ-lāng pêng-sī khiā-khí ê chhù tī toh-lóh?

²⁹Lín bô mng kè-lō· ê lāng mah? Kiám boē jīm-tit in ê chêng-kù mah?

³⁰Chiū-sī pháiⁿ-lāng tī chai-ē ê jīt tit-tiòh lâu-teh, Tī siū-khì ê jīt tit-tiòh thoat-lī.

³¹I só·-kiāⁿ-ê, chī-chūi tng-bīn kóng i? I só·-choē-ê, chī-chūi pò-èng i?

³²Chóng-sī i oē hō· lāng kng kàu thióng-soaⁿ, Koh ū kò-siū--ê tī i ê bōng.

³³Soaⁿ-kok ê thô·-oân i liáh-choē tīⁿ; Beh ū chêng-lāng tè tī i ê āu-bīn, Chhin-chhiūⁿ tī i tãi-seng--ê boē-sng-tit.

³⁴Lín só· ìn-tap ê oē khêng-chin lóng sī ké, Lín cháiⁿ-iūⁿ khang-khang an-ùi goá ah?

22 Thê-bān lāng Í-lī-hoat ìn kóng, Lāng kiám-oē lī-ek Siōng-tè mah? Tì-hui ê lāng sít-chāi sī lī-ek ka-kī.

³Lí choē lāng kong-gī, kiám hō· Choân-lêng--ê hoaⁿ-hí mah? Lí só· kiāⁿ oân-choân, kiám oē hō· I tek-lī mah?

⁴Kiám-sī in-ūi lí kèng-ùi I, Lái chek-pī lí, sím-phoàⁿ lí mah?

⁵Lí ê choē-ok kiám-m̄-sī toā mah? Lí ê choē-koà sít-chāi bô kiōng-chīn.

⁶Lí bô in-toaⁿ thêh hiaⁿ-tī ê tng-thâu; Koh thng bô thang chhēng ê lāng ê saⁿ.

⁷Ia-siān ê lāng, lí bô ēng chúi hō· in lim, Iau-gō ê lāng, lí tui in siu-khng chiáh-mih.

⁸Ū lēng-lék ê lāng tit-tiòh thó·-toē; Thé-biān ê lāng tiām tī hit tiong-kan.

⁹Lí hō· koáⁿ-hū khang-chhiú tò-khì, Bô-pē ê kiáⁿ ê chhiú-kut siū at-chhi.

¹⁰Só·-í oáh-tauh sì-bīn ùi lí; Kiaⁿ-hiāⁿ hut-jiān kàu, kiáu-jiáu lí,

¹¹Á-sī o·-àm hō· lí bô thang khoàⁿ-kìⁿ, Choē-choē chúi im-bát lí.

¹²Siōng-tè kiám-m̄-sī tī thiⁿ ê koàiⁿ mah? Tiòh khoàⁿ chhiⁿ-sīn ê kék-thâu, cháiⁿ-iūⁿ hiah-koàiⁿ;

¹³Lí chiū kóng, Siōng-tè chai sím-mih? I kiám oē khoàⁿ-thau o·-àm lái sím-phoàⁿ mah?

¹⁴Bát-hūn jia-khàm I, hō· I boē khoàⁿ-kìⁿ; I kiāⁿ tī kiong-chhong ê téng-bīn.

¹⁵Lí kiám ài thàn kó·-chá ê lō·, Chiū-sī pháiⁿ-lāng só· kiāⁿ-ê mah?

¹⁶In sī bē kàu-sī siū biát--khì, In ê toē-ki hō· toā-chúu lâu-khì.

¹⁷In tui Siōng-tè kóng, Tiòh lī-khui goán, Koh kóng, Choân-lêng--ê oē ká goán choē sím-mih ah?

¹⁸Chóng-sī I ēng hó-mih chhiong-moá i ê chhù; Goān pháiⁿ-lāng ê kè-bô· lī-khui goá hng-hng.

¹⁹Gī-lāng beh khoàⁿ-kìⁿ lái hoaⁿ-hí; Bô-choē ê lāng beh thí-chhiò in;

²⁰Kóng, Hiah-ê khí-lái kong-kek goán ê, kó-jiān siū chián-tú; In só· chhun-ê lóng hō· hé sio-khì.

²¹Taⁿ lí tiòh kap Siōng-tè chhin-bít, chiū oē tit-tiòh pêng-an; Án-ni hok-khì beh lîm-kàu lí.

²²Taⁿ tiòh sêng-siū I chhui-lāi ê kà-sī; Chiong I ê oē khng tī lí ê sim.

²³Lí nā kui-ng Choân-lêng--ê, tui lí ê pò·-pīⁿ-lāi tū-khì put-gī, Lí chiū tit-tiòh heng-khí.

²⁴Lí tiòh hiat pó-poè tī tîn-ai--nih, Hiat O-hui ê kim tī khoe-hô chiòh-thâu ê tiong-kan;

²⁵Choân-lêng--ê chiū beh choè lí ê pó-poè, choè lí ê bûn-gûn.

²⁶Lí chiū beh liáh choân-lêng--ê choè hoaⁿ-hí, Bîn kiáh-koàiⁿ ñg Siōng-tè.

²⁷Lí kī-tó I, I chiū thiaⁿ lí, Lí iā beh siā lí ê goān.

²⁸Lí tiāⁿ-tiòh beh choè sím-mih, hit ê tãi-chì tek-khak chiāⁿ; Kng iā beh chiò lí ê lō·.

²⁹In kàng-kē ê sī, lí iū-goān thang kóng, Seng-koàiⁿ; Khiam-pi ê lāng Siōng-tè beh chín-kiù i.

³⁰Liân ū-choē ê lāng Siōng-tè iā beh kiù i; In-tū lí ê chhiū chheng-khì, i beh tit-tiòh kiù.

23 Iok-pek in kóng, Taⁿ goá ê ai-oàn sng-choè poē-gèk; Goá só· siū ê chek-hoat khah-tāng tī goá ê thó·-khùi.

³Goān goá oē chai tui cháiⁿ-iūⁿ chhē Siōng-tè, Hō· goá thang kàu I ê chō-ūi!

⁴Goá beh pài-liat àn-kiāⁿ tī I ê bîn-chêng, Goá ê chhui kàu-giáh thang piān-bêng.

⁵Goá iā tit-tiòh chai I ñ goá ê oē, Iā bêng-pék I tui goá só·-kóng-ê.

⁶I kiám beh ēng toā koân-lêng kap goá kè-kàu mah? Tek-khak bô án-ni; I beh àⁿ-lòh thiaⁿ goá.

⁷Tī-hia chêng-tit--ê oē kap I piān-lūn, Án-ni, goá beh éng-oán thoat-lī sím-phoàⁿ goá ê.

⁸Khoàⁿ ah, goá chìn-chêng khì, I bô tī-hia; Goá thè-āu khì, iā bô khoàⁿ-kìⁿ I;

⁹Tī tò-pêng I teh kiāⁿ tãi-chì, goá bô khoàⁿ-kìⁿ I; Tī chiāⁿ-pêng I tiām-bát, goá iā bô khoàⁿ-kìⁿ I.

¹⁰Chóng-sī I chai goá só· kiāⁿ ê lō·; I chhi-liān goá liáu-āu, goá beh chhin-chhiūⁿ kè thoàn-liān ê kim.

¹¹Goá ê kha tè I ê kha-pō·; Goá chip-siú I ê lō·, iā bô phian-chhoáh.

¹²I chhui-tūn ê bêng-lêng goá bē bat ūi-poē; Goá tui-tiōng I chhui-lāi ê oē, iāⁿ-kè goá só· tiòh ēng ê bí-niū.

¹³I ū it-tēng ê sim-chì, chī-chui oē ká I oát-túg ah? I ê sim só· ài-ê, chiū kiāⁿ i.

¹⁴Só· ká goá tiāⁿ-tiòh--ê, I beh chiāⁿ i; Chit hō ê sū I iáu ū choē-choē.

¹⁵Só·-í goá tī I ê bîn-chêng gī-gī-chhoah; Goá siūⁿ-tiòh chiū kiaⁿ.

¹⁶In-ūi Siōng-tè hō· goá sit-táⁿ, Choân-lêng--ê hō· goá gī-gī-chhoah;

¹⁷In-ūi goá ê kiaⁿ-hiāⁿ m-sī ūi-tiòh o·-àm, Iā m-sī in-ūi o·-àm jia-khàm goá ê bîn.

24 Choân-lêng-ê siáⁿ-sū bô chiong sī-kí siu-khng? Bat I ê lāng siáⁿ-sū bô khoàⁿ-kìⁿ I ê jít ah?

²Ū lāng î-soá toē-kài, Chhiúⁿ-toát kui-kūn ê cheng-siⁿ, lāi chhi i.

³In koáⁿ bô-pē ê kiáⁿ ê lū, khan koáⁿ-hū ê gū choè chín-tng.

⁴In chhia sòng-hiong lāng lī-khui lō·; Toē-chiūⁿ ê kan-khó· lāng saⁿ-kap khì bih.

⁵Khoàⁿ ah, in chhin-chhiūⁿ iá-lū tī khòng-iá, Chhut-khì choè-kang, khùn-khùn chhē chiáh; Khòng-iá ká in ê kiáⁿ chhut chiáh-mih.

⁶Koah chhân--nih ê niū-chháu, Bán pháⁿ-lāng só· chhun ê phū-tô.

⁷Thong-mî thng-pak-theh bô chhng-saⁿ tó-teh; Koāⁿ-leng bô kah-phē.

⁸Tī soaⁿ--nih hō toā-hō ak-tâm; In-ūi bô jia-cháh chiū bih-oá tī chiòh-kha.

⁹Tùi lâu-bú ê heng-cheng chhiúⁿ bô-pē ê kiáⁿ khi; Koh tùi sòng-hiong lāng theh chún-tng;

¹⁰Tī-kàu lāng bô-saⁿ, thng-theh lâi kiáⁿ; Iau-iau teh taⁿ tiū-pé.

¹¹Tī hiah ê lāng ūi-chhiūⁿ lâi, khoeh iū, táh chiú-khut, Ka-kī iáu-kú chhiū-ta.

¹²Tī choē-choē peh-siⁿ ê siāⁿ-lāi ū lāng ai-ai chhan, Siū-siong ê lāng ê sim pi-ai; Chóng-sī Siōng-tè bô kàm-chhat hit ê put-gī.

¹³Iā ū lāng ūi-poē kng-bêng, M̄-bat i ê lō, Iā bô tiàm tī i ê lō-chiūⁿ.

¹⁴Thāi-lāng--ê thiⁿ-phú-kng chiū khí-lâi, Thāi-sí kan-khó--ê kap sòng-hiong lāng, Tī mī--sí chhin-chhiūⁿ chhát.

¹⁵Kan-īm ê lāng ê bák-chiu theng-hāu kàu hông-hun, Kóng, Bô lāng bák-chiu oē khoàⁿ-kìⁿ goá; Koh jia-khàm i ê bīn.

¹⁶In tī mī--sí iah chhiū-khang, jīt--sí ka-kī bih, Iah m̄-chai hit ê kng.

¹⁷In-ūi in khoàⁿ thiⁿ-kng-chá choē sí-īm, In-ūi in tī sí-īm chin koàⁿ-sì.

¹⁸I tī chúí-bīn chin khin-khoài, In ê hūn-giáh tī toē-chiūⁿ siū chiū-chó; I bô koh oát-túg lâi kiáⁿ phū-tô-hng ê lō.

¹⁹Khòng-hān kap sio-joáh siao-bô seh-chúi; Im-kan tui-tī hoān-choē ê lāng iā sī án-ni.

²⁰Hoài-īm i ê thai beh boē-kì-tit i; thāng chiáh i, beh liáh choē tīⁿ; I bô koh siū kì-liām; Put-gī beh chhin-chhiūⁿ chhiū siū at-chih.

²¹I khi-hū bô hoài-īm bô siⁿ-kiáⁿ ê hū-jīn-lāng; Bô hó khoán-thāi chiú-koáⁿ-lāng.

²²Koh ēng I ê koān-leng pó-choān không-béng ê lāng; Sui-jiān i ê oáh-miā choát-bāng,

iáu-kú oē koh khí-lâi.

²³I siúⁿ-sù i an-jiān, i chiū ū só oá-khò, I ê bák-chiu iā khoàⁿ-kò in ê lō.

²⁴In seng-koàiⁿ, tiap-á-kú chiū bô--khi; In kàng-kē, hō lāng siu-síp, chhin-chhiūⁿ cheng-lāng, Koh chhin-chhiūⁿ béh-sui siū koah--khí-lâi.

²⁵Nā m̄-sī án-ni, chī-chui oē cheng-bêng goá sī pēh-chhat--ê, Iā hō goá ê oē kui tī khang-khang ah?

25 Su-á lāng Pí-lék-tát in kóng, Koān-leng kap ui-giām lóng sī I ê, I tī koàiⁿ ê só-chai kiáⁿ hô-peng.

³I ê kun-peng, kiam oē-sng-tit mah? I ê kng chit-ē chhut, chī-chui bô hō i chiò-tiòh ah?

⁴Án-ni tī Siōng-tè ê bīn-cheng lāng thái-thó oē chheng-choē-gī? Hū-jīn-lāng só-siⁿ-ê, thái-thó oē chheng-khi?

⁵Khoàⁿ ah, tī I ê bák-chiu-cheng gēh bô kng, Chhiⁿ iā bô chheng-khi.

⁶Bòh-kioh lāng sī thāng, Sè-kan lāng sī tō-ún.

26 Iok-pek in kóng, Bô khui-lát--ê, lí ū pang-chān i kàu cháiⁿ-iūⁿ! Chhiú-kut nóg-ê, lí ū chín-kiu i kàu cháiⁿ-iūⁿ!

³Lí ū cháiⁿ-iūⁿ kà-sī bû-ti ê lāng, Koh toā hoat-bêng chin-sít ê tì-sek?

⁴Lí tui chī-chui kóng-oē? Chī-chui ê sin tui lí chhut?

⁵Im-hūn ngiāuh-ngiāuh-chhoah, Tī chúí-ē, í-kíp tī-hia khiā-khi--ê.

⁶Tī I ê bīn-cheng im-kan lō-hiān, A-pa-tùn iā bô khàm-bát.

⁷I thí-khui pak-hng tī không-tiong ê téng-bīn, Tiàu toē tī bô ū m̄h ê téng-bīn.

⁸Ēng chúí pau tī I ê bát-hūn-lāi; Hūn tī chúí ê ē-bīn iā boē phòh-līh.

⁹I jia-cháh I ê chō-ūi, Koh pho· I ê hūn tī hí téng-bīn.

¹⁰I tī chúí-bīn ùih-chhut kài-hān, Kàu kng kap àm kau-kài ê só·-chāi.

¹¹Thiⁿ ê thiāu tín-tāng, In-ūi I ê chek-pī lâi gông-ngiáh.

¹²I ēng lēng-lék kek-tōng toā-hái, I ēng tì-sek phah-phoà Láh-hap-pek.

¹³Ēng I ê khi hō· thiⁿ ū chheng-chhái, I ê chhiú chhák-thàu gâu-cháu ê choā.

¹⁴Khoàⁿ ah, chiah-ê put-kò sī I só·-choè ê sio-khoá-ê; Lán só· tui I thiaⁿ-kìⁿ ê siaⁿ soè kàu cháiⁿ-iūⁿ? I toā koân-lēng ê lūi, chī-chūi oē chhek-tók ah?

27 Iok-pek koh soà-chiap thê-khi i ê giân-lūn kóng,

²Siōng-tè toát goá ê lí-iū; Choân-lēng--ê khó·-chhó· goá ê sim-sin; Goá chí I ê éng-oáh lâi kóng;

³In-ūi goá ê oáh-miā iáu-kú oân-choân tī goá ê lâi-bīn, Siōng-tè ê khi iáu-kú tī goá ê phīⁿ-khang;)

⁴Goá ê chhui-tūn koat-toàn bô kóng put-gī, Goá ê chhi iā bô kóng khui-chà.

⁵Goá toàn-toàn bô chheng lín choè gī, Goá kàu sí, iā m̄ sng goá choè bô oân-choân.

⁶Goá chip-siú goá ê gī, bô beh pàng-sak, Goá ê sim chit-si-lâng bô chek-pī goá.

⁷Goān goá ê tui-ték chhin-chhiūⁿ pháiⁿ-lâng, Goān hit ê khi-lai kong-kek goá ê, chhin-chhiūⁿ put-gī ê lâng.

⁸Bô keng-khiān ê lâng, sui-jiān chhiúⁿ-tióh chái-lī, Siōng-tè chhiú i ê oáh-miā ê sī, iáu ū sím-mih òng-bāng?

⁹Hoān-lān līm-kàu i ê sī, Siōng-tè kiám beh thiaⁿ i ê kiū-kiò?

¹⁰I kiám oē ēng Choân-lēng--ê choè hoaⁿ-hí? I sī-siōng kiū-kiò Siōng-tè mah?

¹¹Siōng-tè só· choè ê, goá beh kà-sī lí, Choân-lēng--ê só· ū-ê, goá iā bô ún-moā.

¹²Khoàⁿ ah, lín pún-sin lóng ū khoàⁿ-kìⁿ, Siáⁿ-sū it-chīn hu-ké ah?

¹³Pháiⁿ-lâng tui Siōng-tè só· siū ê hūn-giáh, Kiōng-pō ê lâng tui Choân-lēng--ê só· tit-tiòh ê sán-giáp, chiū-sī chit-ê.

¹⁴I ê kiáⁿ-jī nā ke-thiⁿ choē-choē, sī beh hō· to thāi-sí; I ê hō·-è bô thang chiah kàu giáh.

¹⁵I só· chhun ê lâng beh tú-tiòh un-ék lâi bāi-chòng, Iā i ê koáⁿ-hū bô thī-khau.

¹⁶I sui-jiān chek-chū gūn chhin-chhiūⁿ tīn-ai, Koh pī-pān i-chiūⁿ chhin-chhiūⁿ thô·;

¹⁷I choè i pī-pān, chóng-sī gī-lâng beh chheng i, Bô-choē ê lâng beh pun i ê gūn.

¹⁸I chhin-chhiūⁿ chiū-thang khi chhiū, Koh chhin-chhiūⁿ chiú-kiⁿ-ê tah i ê liáu-á.

¹⁹I hó-giáh tó-teh, chóng-sī bô tit-tiòh siu-bāi; I thī-khui bák-chiu, chiū bô--khi.

²⁰Kiaⁿ-hiāⁿ beh chhin-chhiūⁿ toā-chúi jip-tiòh i; Mī--sī ê toā-hong beh sàu i khi.

²¹Tang-hong chhe i, i chiū khi; Koh koáⁿ i lī-khui pún só·-chāi.

²²In-ūi Siōng-tè siā-tiòh i, iā bô khoan-sù; I khó·-boē-thang thoat-lī I ê chhiú.

²³Lâng beh tui i phah phók-á, Iā beh chhut káu-hō, koáⁿ i lī-khui pún só·-chāi.

28 Chhut-gūn ū i ê khòng, Só· thoàn-liān ê kim iā ū i ê só·-chāi teh chhut.

²Thih sī tui toē--nih chhiú--chhut-lai, Tàng sī tui iūⁿ--chhut-lai.

³Lâng siau-bô hit ê o·-àm, Chhē kàu chīn toé; Ū o·-àm kap sí-ìm tiòng ê chiòh.

⁴I lī-khui lâng kià-kha ê só·-chāi, khi hiát; Kiāⁿ tī hí téng-bīn ê lâng bô siūⁿ-tiòh i; In lī-khui lâng, tui tī hiát-tiòng, hīⁿ-lái hīⁿ-khi.

⁵Lūn-kàu toē, bí-niū tui-hia chhut; I ê ē-toé chhin-chhiūⁿ hō· hé ká i péng--khi-lai.

⁶I ê chiòh-tiong ũ lâm-pó-chiòh, I iā ũ kim-soa.

⁷Hit tiâu lō· eng-chiáu m̄-bat; Sió-eng ê bák-chiu iā bô khoàⁿ-kìⁿ.

⁸Ok-siū m̄-bat táh-tiòh i, Bég-sai iā m̄-bat tui hia kè.

⁹I chhun-chhiú phah tēng-chiòh, Tui soaⁿ ê kun-ki kâ i péng--khí-lâi.

¹⁰I tī chiòh-thâu tiong khui-kau, Chhin-bák khoàⁿ-kìⁿ ták-iūⁿ ê pó-mih.

¹¹I that-bát chui hō· i boē tih--lòh-lâi; Koh thèh-chhut ún-bát ê mih, hō· i kìⁿ kng.

¹²Chóng-sī tì-hui tui toh-lòh oē chhē-tiòh? Chhong-bēng ê só·-chāi tī toh-lòh?

¹³I ê kè-chiⁿ bô lāng chai, Tī oáh-lāng ê toē iā bô tè thang chhē.

¹⁴Chhim-ian kóng, Bô tī goá chia; Toā-hái kóng, Bô kap goá tī-teh.

¹⁵Boē-oē ēng ng-kim lāi tit-tiòh i; Iā boē-oē phēng gūn choē i ê kè-chiⁿ.

¹⁶O-hui ê kim boē tát-tiòh i; Pó-kui ê phēk-gék kap lâm-pó-chiòh iā boē.

¹⁷Ng-kim kap po-lê boē pí-tit i; Hó-kim ê khi-kū bô kàu-giáh kap i oāⁿ.

¹⁸Sian-hô chui-chiⁿ lóng bô kàu-giáh thang kóng; In-ūi tit-tiòh tì-hui iāⁿ-kè chin-chu.

¹⁹Kó·sít ê ng-gék boē pí-tit i; Chiok-siāⁿ ê kim m̄-tát-tiòh i.

²⁰Án-ni tì-hui tui toh-lòh lāi? Chhong-bēng ê só·-chāi tī toh-lòh?

²¹Kì-jiân tui it-chhē ũ oáh-miā-ê ê bák-chiu ún-bát; Tui khong-tiong ê pe-chiáu jia-iám.

²²A-pa-tùn kap Sí-sit kóng, Goán hī-khang thiaⁿ-kìⁿ i ê hong-siaⁿ.

²³Siōng-tè bēng-pék tì-hui ê lō·, Iā chai i ê só·-chāi.

²⁴In-ūi I kàm-chhat kàu toē ê kék-thâu, Piàn-khoàⁿ phó·-thiⁿ-ē.

²⁵Tiāⁿ-tiòh hong ê khin-tāng, Koh niú chú i ê choē-chió.

²⁶I kâ hō·-chui tiāⁿ-tiòh lē, Kâ lui tiān tiāⁿ-tiòh i ê lō·;

²⁷Hit-sī I khoàⁿ-kìⁿ i, lāi kóng-bēng i, I chō-chiāⁿ i, koh cha-chhat i.

²⁸I tui lāng kóng, khoàⁿ ah, kèng-tui Chú chiū-sī tì-hui, Lī-khui pháiⁿ chiū-sī chhong-bēng.

29 Iok-pek koh soà-chiap thē-khí i ê gân-lūn, kóng,

²Goān goá chhin-chhiūⁿ chiōng-chēng hiah ê gēh, Chhin-chhiūⁿ Siōng-tè pó-siú goá ê jlt.

³Hit-sī I ê teng chiò tī goá ê thâu-khak, Goá khò I ê kng kiāⁿ-kè o·-àm.

⁴Chhin-chhiūⁿ goá tī chhiu-thiⁿ ê jlt, Tī goá ê pò·-pīⁿ Siōng-tè kap goá chhin-bít.

⁵Choân-lēng--ê iáu-kú kap goá tī-teh, Goá ê kiáⁿ-jī tī goá ê sì-ūi.

⁶Ēng ni soé goá ê kha, Chiòh-poāⁿ kâ goá chhut-iū chiāⁿ-khoe.

⁷Goá kiāⁿ kàu siāⁿ-mng, Tī koe-chhiⁿ siat goá ê chō-ūi.

⁸Siāu-liân lāng khoàⁿ-kìⁿ goá chiū cháu khi bih, Lāu-lāng iā khí-lāi khiā.

⁹Siú-léng chiū thēng-chí i ê oē, Ēng chhiú ng in ê chhui.

¹⁰Kui-chók bô khui siaⁿ, Chih-thâu liām tī chiūⁿ-kiuⁿ.

¹¹In-ūi hī-khang thiaⁿ-kìⁿ-ê, chiū chheng goá choē ũ hok-khi, Bák-chiu khoàⁿ-kìⁿ-ê, chiū kâ goá choē kan-chēng.

¹²In-ūi goá chín-kiù ai-kiú ê kan-khó· lāng, Kap bô-pē ê kiáⁿ, bô lāng pang-chān ê.

¹³Tit-beh sí-bô ê lāng kâ goá chiok-hok, Goá iā hō· koáⁿ-hū ê sim hoaⁿ-hí lāi chhiūⁿ-koa.

¹⁴Goá chhēng kong-gī, i iā ēng goá choè saⁿ,
Ēng kong-pēng choè phàu, choè bō.

¹⁵Goá choè chhiⁿ-mī lāng ē bák-chiu, Choè
pái-kha ē lāng ē kha.

¹⁶Goá choè sòng-hiong lāng ē pē, Pēng-sò·
m̄-bat--ê ē àn-kiāⁿ goá cha-chhat i.

¹⁷Goá phah-chhih pháiⁿ-lāng ē gē-chô,
Chhiúⁿ i ē chhùi-khí só· ká ē.

¹⁸Goá chiū kóng, Goá beh sí tī goá ē siū,
Goá ē jít-chí beh ke-thiⁿ chhin-chhiūⁿ soa.

¹⁹Goá ē kun chhun kàu chúi-piⁿ, Lō·chúi
kui-mī lóh tī goá ē kì.

²⁰Goá ē ēng-kng tī goá siōng-siōng sin, Goá
ē keng tī goá ē chhiú koh-chài-ân.

²¹Lāng thiaⁿ-kìⁿ goá, chiū thèng-hāu,
Chēng-chēng tán goá chí-kàu.

²²Goá kóng-liáu, in chiū bô koh kóng; Goá
ē oē chhin-chhiūⁿ hō· tih tī in ē téng-bīn.

²³In thèng-hāu goá chhin-chhiūⁿ thèng-hāu
hō·chúi, Toā khui in ē chhùi, chhin-chhiūⁿ
him-bō· chhun-thiⁿ ē hō·.

²⁴In sit-bāng, goá an-ùi in; In boē-oē koé-
piàn goá ē bīn ē kng.

²⁵Goá ká in keng lō·, goá chē thâu-ùi; Goá
chhin-chhiūⁿ ông tī kun-tūi-tiong khiā-khí,
Koh chhin-chhiūⁿ an-ùi siong-sim ē lāng.

30 Chóng-sī hiān-kim pí goá khah siàu-
liân ē lāng thí-chhiò goá, Hit-hō lāng ē lāu-pē,
goá pún khoàⁿ in, boē khah-sū goá iūⁿ-kūn ē
káu.

²In ē chòng-liân í-keng soe-thè, In ē chhiú
ē lát kap goá sím-mih kan-siáp?

³In in-ùi khiām-khek kap iau-gō, sin-thé
siau-sán, Tī hong-hoē léng-chēng ē ơ-àm-
tiong khoē ta-thô·.

⁴Tī chháu-phō tiong-kan bán lê-hok ē
chhài, Kim-chhiok-hoe ē kun choè in ē chiáh-
mih.

⁵In tui lāng ē tiong-kan siū koáⁿ-chhut;
Lāng hoah in chhin-chhiūⁿ hoah chhat.

⁶In soà tiòh tiām tī soaⁿ-kok ē chhim-khiⁿ,
Tī toē-hiát kap chiòh-tōng ē lāi-bīn.

⁷Tī chhiū-nâ-lāi chhin-chhiūⁿ lū háu; Tī
chhi-phè-kha teh chhun-ûn.

⁸In sī gōng-lāng ē kiáⁿ-jī, sī hā-chiān lāng
ē kiáⁿ-jī; Siū piⁿ-phah koáⁿ-chhut keng-goā.

⁹Taⁿ chiaⁿ ē lāng liáh goá choè in ē koa-
khek, Choè in ē oē-piⁿ.

¹⁰In iām-ò·ⁿ goá, lī-khui goá hng-hng; Kìⁿ-
tiòh goá ē bīn chiū phui-noā.

¹¹In-ùi I pàng-lēng I ē soh, lāi khó·-chhó·
goá, In chiū tī goá ē bīn-chēng bô ka-kī iok-
sok.

¹²Pi-chiān ē chéng-lūi tī goá ē chiāⁿ-pēng
khí-lāi, Sak-khui goá ē kha, chō hām-hāi ē lō·
lāi kong-kek goá.

¹³In húi-hoāi goá ē lō·, Ke-thiⁿ goá ē hoān-
lān, Chiū-sī bô tit-tiòh pang-chān ē lāng.

¹⁴In chhin-chhiūⁿ tui khoah-toā ē phò-
khiah lāi, Tī húi-hoāi ē tiong-kan tit-tit kō-
lāi.

¹⁵Kiaⁿ-hiāⁿ ē sū oát-túg kàu tī goá, In koáⁿ-
tiòk goá ē ēng-kng chhin-chhiūⁿ hong; Goá ē
hok-lók chhin-chhiūⁿ hūn kè--khì.

¹⁶Taⁿ goá ē sim-sin tī goá ē lāi-bīn kék sit-
chì; Hoān-lān ē jít ká goá khiⁿ-tiâu-tiâu.

¹⁷Mi--sī goá ē kut siū chhi-chhák lut-chat;
Thàng-thiàⁿ khoē goá bô soah.

¹⁸In-ùi chit-ê toā ē lát, goá ē i-hók m̄-chiāⁿ-
iūⁿ; Chhin-chhiūⁿ saⁿ ē ām-kún-niá ká goá
sok ân-ân.

¹⁹I hiah goá tī thô·-bê; Goá chiū chhin-
chhiūⁿ thô·-hún kap hé-hu.

²⁰Goá kiū-kiò Lí, Lí m̄ in goá; Goá khiā-
khí-lāi, Lí kan-ta teh khoàⁿ.

²¹Lí piàn chân-jím lái khoán-thāi goá, Koh ēng Lí ē chhiú ē toā-lát khún-pek goá.

²²Kú-khí goá tī hong ē téng-bīn, hō· goá khiā i; Koh siau-biát goá tī chin-thau ē hong.

²³In-ūi goá chai Lí beh hō· goá kàu sí-bô, Kàu hit-keng ūi-tiòh lóng-chóng ū oáh-miā--ê só· tiāⁿ-tiòh ē chhù.

²⁴Lâng poáh-tó ē sī, kiám bô chhun-chhiú? Tú-tiòh chai-ē kiám bô in-ūi án-ni hoah kiú?

²⁵Lâng tú-tiòh hoān-lân, goá kiám bô ūi-tiòh i thi-khau? Lâng sòng-hiong, goá ē sim kiám bô ūi-tiòh i iu-būn?

²⁶Goá òng-bāng tit-tiòh hok-khì, chai-ē chiū kàu; Goá theng-hāu kng-bêng, o·-àm chiū lái.

²⁷Goá ē sim-tng kún-ká bô-hioh; Khó·-lân ē jít līm-kàu goá.

²⁸Goá bô jít-kng chiū thi-khau kiāⁿ-khì, Goá khiā tī hoē-tiong, teh âu-kiò kiū pang-chān.

²⁹Goá kap soaⁿ-káu choē hiaⁿ-tī, Kap tô-chiáu choē tâng-phoāⁿ.

³⁰Goá ē phê-hu o·, chiū liù--lòh-khì, Goá ē kut-thau in-ūi jiát siū sio.

³¹Só·-í goá ē khim pìⁿ-choē pi-ai ē im, Goá ē siau pìⁿ-choē thi-khau--ê ē siaⁿ.

31 Goá kap goá ē bák-chiu līp-iok, Thái-thó oē chù-ì khoàⁿ chāi-sek-lú ah?

²In-ūi Siōng-tè tui téng-bīn só· tiāⁿ-tiòh ē hūn-giáh, Choân-lêng--ê tui téng-bīn só· phải ē kī-giáp sī sím-mih ah?

³Kiám m̄-sī hoān-lân līm-kàu put-gī--ê, Chai-hāi līm-kàu chok-giát--ê mah?

⁴I kiám m̄-sī kām-chhat goá ē lô·. Tiám-sng goá ē kha-pō· mah?

⁵Goá nā kap hu-ké saⁿ-kap kiāⁿ, Kha nā koāⁿ-kín tè khú-chà;

⁶Goān goá hō· kong-tō ē thian-phêng lái chhìn, Hō· Siōng-tè chai goá ē sūn-choān;)

⁷Goá ē kha-pō· nā phian-lī chiāⁿ-lō·, Goá ē sim nā kun-tè goá ē bák-chiu, Nā ū lâ-sâm liām tī goá ē chhiú;

⁸Chiū goān goá só· cheng-ê, pát-lâng chiáh i, Goá só· chhut-sán--ê, i ē kun siū pūih-chhut.

⁹Goá ē sim nā hō· hū-lú ín-iú khì, Á-sī goá bih tī chhù-piⁿ ē mng teh tán;

¹⁰Chiū goān goá ē hū-jin-lâng kā lāng oe-bō, Pát-lâng iā kap i tâng-pāng;

¹¹In-ūi che sī toā-pháiⁿ. Sī sím-phoāⁿ-si eng-kai pān ē choē;

¹²Che sī hé, sio kàu biát-bô, Pūih-tū goá it-chhè só· chhut-sán--ê ē kun.

¹³Goá ē lô·-pók lú-pī kap goá piān-lūn ē sī, Goá nā biáu-sī in ē lí-iū;

¹⁴Chiū Siōng-tè khí-lái, goá beh cháiⁿ-iūⁿ ah? I sím-mng, goá beh cháiⁿ-iūⁿ in ah?

¹⁵Chō goá tī the--nh-ê, kiám-m̄-sī iā chō i mah? Chō-chiāⁿ goán tī pak-tó--ê, kiám m̄-sī chit-ê mah?

¹⁶Goá nā kìm-chí sòng-hiong lāng ē ì-goān, Á-sī hō· koáⁿ-hū ē bák-chiu khoàⁿ kàu ian-ng;

¹⁷Á-sī goá ka-kī chiáh tām-póh mih, Bô-pē ē kiáⁿ chiáh bô hūn ah?

¹⁸Tui goá siāu-liân i kap goá saⁿ-kap toā-hàn, chhìn-chhiūⁿ kap lâu-pē chit-iūⁿ; Goá tui chhut lâu-bú ē pak-tó· chiū khan-seng koáⁿ-hū;)

¹⁹Goá nā khoàⁿ-kìⁿ lāng in-ūi bô saⁿ lái sí, Á-sī khoàⁿ-kìⁿ sòng-hiong lāng seng-khu bô thang jia-kah;

²⁰I ē io nā bô kā goá chiok-hok, I iā bô tui goá ē iūⁿ ē mng ka-kī sio,

²¹Goá nā in-ūi khoàⁿ-kìⁿ tī siāⁿ-mng ū pang-chān goá ē, Chiū khí-chhiú kong-kek bô-pē ē kiáⁿ;

²²Goān goá ê chhiú tùi keng-kah lut--lòh-khì, Goá ê chhiú-chat tùi kut chih--khì;

²³In-ūi tùi Siōng-tè lâi ê chai-ē hō· goá kiaⁿ-hiāⁿ; In-ūi I ê ui-giām, goá tng boē khí.

²⁴Goá nā ēng ng-kim choē ng-bāng, Tùi hó-kim kóng, Lí sī goá só· oá-khò ê;

²⁵Goá nā in-ūi chài-bút hong-sēng, In-ūi Goá ê chhiú thàn choē-choē lâi hoaⁿ-hí;

²⁶Goá nā khoàⁿ-kìⁿ jít teh hoat-kng, Gêh kng-kng teh kiāⁿ;

²⁷Goá ê sim tī àm-tiong siū ín-iú, Á-sī goá ê chhiú kap goá ê chhiú saⁿ-chim;

²⁸Che iā sī sim-phoàⁿ-si eng-kai pān ê choē, In-ūi goá án-ni sī poē-biū tī téng-bīn ê Siōng-tè.

²⁹Goá nā liāh oàn-hūn goá--ê ê chai-ē choē khoài-lók, Á-sī ūi-tiòh i tú-tiòh chai-ē lâi tek-ì;

³⁰Ki-sít goá bô iōng-ún goá ê chhiú hoan-choē, Chhiú-chó· kiū hō· in sí;)

³¹Nā goá pò·-pīⁿ-lâi ê lāng bô kóng, Chī-chhiū oē chhē-tiòh chit-ê bô chiāh i ê hó-mih kàu pá--ê?

³²Chhut-goā-lāng bô hioh tī koe-lō·, Goá kā kiāⁿ-lō· ê lāng khui mng;)

³³Goá nā chhin-chhiūⁿ A-tong jia-iám goá ê kè-sít, Khng goá ê choē-giát tī goá ê heng-cheng;

³⁴Ūi-tiòh kiaⁿ toā-tūi ê cheng-lāng, Kiaⁿ chong-chók ê biáu-sī, Tī-kàu cheng-cheng m̄-káⁿ chhut-mng ³⁵Goān ū chit-ê teh thiaⁿ goá! (Khoàⁿ ah, ū goá só· ūi ê hō, goān Choān-leng--ê in goá;) Goān tit-tiòh goá ê tui-ték só· siá ê kò-chng!

³⁶Goá tek-khak beh pē i tī goá ê keng-thau, Tī i choē bián-liū.

³⁷Goá beh tui I kóng-bēng goá kha-pō· ê siāu-giáh, Beh chhin-chhiūⁿ jīm-kun chiū-kūn

I.

³⁸Goá ê chhân-hng nā chhut-siaⁿ kò goá, Loē-kau saⁿ-kap thi-khau;

³⁹Goá nā chiāh i ê chhut-sán, bô hō· i kè-chīⁿ, Á-sī hō· giáp-chú sit-lóh i ê sīⁿ-miā;

⁴⁰Chiū goān chhi-á hoat-siⁿ thoē sió-béh, Pháiⁿ-chháu hoat-siⁿ lâi thoē toā-béh. Iok-pek ê oē bēng-pék lah.

32 Tui án-ni chí saⁿ ê lāng chiū theng-soah, bô koh in Iok-pek, in-ūi i ka-kī khoàⁿ-choē gī. ²Hit-sī ū Pò·-se lāng, siók tī Lān ê chók, Pa-láh-ka ê kiáⁿ Í-lī-hō·, chin siū-khì; siū-khì Iok-pek, in-ūi i liāh ka-kī pí Siōng-tè khah ū gī. ³Iā siū-khì i saⁿ ê pēng-iú, in-ūi in siūⁿ bô oē thang in, iáu-kú gí Iok-pek ū choē. ⁴Í-lī-hō· beh kap Iok-pek kóng-oē, iáu teh theng-hāu; sī in-ūi in pí i khah-choē hè. ⁵Í-lī-hō· khoàⁿ-kìⁿ chí saⁿ lāng chhiū-lāi bô oē thang in, chiū toā siū-khì.

⁶Pò·-se lāng Pa-láh-ka ê kiáⁿ Í-lī-hō· in kóng, Goá siāu-liān, lín nī-lāu; Sók-í goá thē-niū, m̄-káⁿ tui lín pāi-liát goá ê ì-kiàn.

⁷Goá kóng, Jit-chí choē-ê tiòh kóng, Hē-siū koàiⁿ-ê tiòh ēng tì-hui kà-sī lāng.

⁸Nā-sī lāng ê lai-bīn ū sim-sin, Iā Choān-leng--ê ê khì hō· lāng chhang-miā.

⁹Khah sī-toā--ê, bô lóng ū tì-hui, Khah ló-liān--ê, bô lóng oē bēng-pék kong-pēng.

¹⁰Sók-í goá kóng, Lín tiòh thiaⁿ goá; Goá iā beh pāi-liát goá ê ì-kiàn.

¹¹Khoàⁿ ah, goá í-keng theng-hāu lín ê oē, Koh hī-khang thiaⁿ lín ê lí-lūn; Theng-hāu lín chhē-tiòh thang kóng ê oē.

¹²Goá liū-sim thiaⁿ lín. Khoàⁿ ah, lín tiong-kan bô chit-lāng piān-tó Iok-pek, Iā bô chit-ê in i ê oē.

¹³Lín bôh-tit kóng, Goán tú-tiòh tì-hui; Siōng-tè oē iāⁿ i, lāng boē-oē.

¹⁴I bô ēng oē kap goá piān-lūn; Goá iā bô beh ēng lín ê oē ìn i.

¹⁵In gāng-gāng bô koh ìn, Bô oē thang kóng.

¹⁶In bô kóng-oē, tiāⁿ-tiāⁿ khiā-teh bô koh ìn, Goá kiám tiòh koh thèng-hāu mah?

¹⁷Goá iā beh chīn goá ê hūn-giáh lái ìn, Pài-liát goá ê ì-kiàn.

¹⁸In-ūi goá ū oē moá-moá; Goá lái-bīn ê sūn kek-tōng goá.

¹⁹Khoàⁿ ah, goá ê pak-lāi chhin-chhiūⁿ hong-bát-bát ê chiú; Iā chhin-chhiūⁿ sin ê phê-tē teh-beh piak-līh.

²⁰Goá beh kóng-chhut, hō· goá tháu-khi; Goá beh khui-chhiūⁿ lái ìn.

²¹Goá bô beh khoàⁿ lāng ê sin-hūn; Iā bô beh thiám-mī lāng.

²²In-ūi goá boē hiáu-tit thiám-mī lāng; Nā ū án-ni, chiū chhòng-chō goá--ê beh kín-kín tū-biát goá.

33 Iok-pek ah, taⁿ chhiáⁿ lí thiaⁿ goá ê oē, Liū-sim thiaⁿ goá it-chhè ê giân-gú.

²Khoàⁿ ah, goá taⁿ khui goá ê chhiū, Goá ê chhiū tī chhiū-lāi teh kóng.

³Goá ê oē beh kóng-chhut goá sim-lāi ê cheng-tit, Goá ê chhiū-tūn beh láu-sit kóng-chhut só· chai ê.

⁴Siōng-tè ê Sīn chhòng-chō goá; Choân-lêng--ê ê khi hō· goá tit-tiòh oah.

⁵Lí nā oē, chiū tiòh ìn goá, Khí-lāi khiā pài-liát tī goá ê bīn-chêng.

⁶Khoàⁿ ah, goá tī Siōng-tè ê bīn-chêng kap lí chit-iūⁿ, Iā sī ēng thô· nīh-chiāⁿ-ê.

⁷Khoàⁿ ah, goá bô ēng ui-giām hō· lí kiaⁿ, Iā bô ēng goá ê sè-lák teh--lí.

⁸Lí só· kóng-ê, goá sít-chāi ū thiaⁿ-kìⁿ, Iā ū thiaⁿ-kìⁿ lí ê oē ê siaⁿ, kóng,

⁹Goá sī chheng-khi, bô kè-sit, Goá sī chheng-pék, tī goá sim-lāi iā bô choē.

¹⁰Khoàⁿ ah, I chhē khàng-khiah lái kong-kek goá, Liáh goá choē I ê tui-ték.

¹¹I ēng kha-khau kau goá ê kha, Tì-ì khoàⁿ goá it-chhè ê lō·.

¹²Khoàⁿ ah, kóng kau che, lí sī put-gī, goá beh ìn lí; In-ūi Siōng-tè pí lāng khah-toā.

¹³Lí siáⁿ-sū kap I saⁿ-chìⁿ? In-ūi I ê sū I lóng bô koé-bêng.

¹⁴In-ūi Siōng-tè kóng chit-pái, Iā nng-pái, chóng-sī lāng bô tì-ì.

¹⁵Lāng tó tī bīn-chhng khùn, Kàu i khùn tâng-bīn ê sí, Tī bīn-bāng-tiong, mī-sí ê ìⁿ-siōng,

¹⁶I khui in ê hī-khang, Khàm-ìn tī in só· siū ê kà-sī.

¹⁷Beh hō· lāng koé-oāⁿ só· kè-ék ê sū, At-chí lāng ê kiau-ngō·.

¹⁸Chō·-chí i ê oah-miā bô lōh chhim-khiⁿ, Iā i ê sìⁿ-miā bô tui to-kiām lái sí.

¹⁹Lāng tī bīn-chhng--nih siū thàng-thiāⁿ ê keng-kài; Tī i ê kut-lāi chhin-chhiūⁿ kau-chiān bô soah.

²⁰Ti-kàu i ê oah-miā iām-chiān chiáh-mih, I ê sim-sin iām-òⁿ hó-bī.

²¹I ê bah siau-sán, bô thang khoàⁿ-kìⁿ; Pêng-sò· bô khoàⁿ-kìⁿ ê kut, taⁿ lóng thóng-chhut.

²²I ê sìⁿ-miā kūn tī chhim-khiⁿ; I ê oah-miā kūn tī hiah ê biát-bô sìⁿ-miā ê.

²³Nā ū chit ê sù-chiá kap i tī-teh, Chiū-sī chit-chheng-tiong ê chit-ê, thoē i kóng-oē-ê, Chiong lāng só· tiòh-choē-ê chí-sī i;

²⁴I chiū si-un hō· i, kóng, Kiū i bián-tit lōh chhim-khiⁿ, Goá í-keng chhē-tiòh siók-hoē i ê.

²⁵I ê bah pí gín-ná ê bah khah iù-núg; I beh hók-tò siàu-liân ê jít-chí.

²⁶I beh kî-tó Siōng-tè, Siōng-tè hoaⁿ-hí i; Kìⁿ-tiòh I ê bîn lâi hoaⁿ-hí; I koh sng hit-lâng choè-gī.

²⁷I tī lāng ê bîn-chêng chhiūⁿ-koa kóng, Goá ū hoān-choē, tian-tó sī-hui, bô lī-ek goá.

²⁸I kiù-siòk goá ê sīⁿ-miā, bián-lòh chhim-khiⁿ; Goá ê oáh-miā iā beh khoàⁿ-kìⁿ kng.

²⁹Khoàⁿ ah, chiah ê it-chhè ê sū Siōng-tè kiāⁿ tī lāng, Nng-pái, saⁿ-pái.

³⁰Ūi-tiòh beh tui chhim-khiⁿ kiù i ê sīⁿ-miā tò-túg, Hō· i tit-tiòh oáh-miā ê kng chiò i.

³¹Iok-pek ah, lí tiòh àⁿ hī-khang thiaⁿ goá ê oē, Tiòh chêng-chêng, goá chiū beh kóng.

³²Lí nā ū oē thang kóng, chiū ìn goá; Choè lí kóng, in-ūi goá ài liáh lí choè gī.

³³Nā bô, lí tiòh thiaⁿ goá kóng, lí tiòh chêng-chêng, Goá beh kà lí tì-hui.

34 Í-lī-hō· koh ìn kóng, Lín ū tì-hui ê lāng, tiòh thiaⁿ goá ê oē, Ū tì-sek-ê lāng tiòh àⁿ hī-khang thiaⁿ goá.

³In-ūi hī-á chhi-giām oē, Chhin-chhiūⁿ chiūⁿ-kiuⁿ hun-piat chu-bī.

⁴Lán tiòh ūi ka-kī kóng hit ê háp-gī--ê, Iā tiòh saⁿ-kap chai sím-mih sī hó.

⁵In-ūi Iok-pek ū kóng, Goá sī kong-gī, Siōng-tè toát goá ê chêng-lí;

⁶Goá sui-jiân ū lí, iáu sng choè kóng pèh-chhát--ê; Goá sui-jiân bô kè-sit, só· siū ê siong boē-i--tit.

⁷Chī-chui chhin-chhiūⁿ Iok-pek moá-chhiū bí-bān, Chhin-chhiūⁿ lim chúí ah?

⁸I kap chok-giát--ê choè-phoāⁿ lâi-óng, Kap pháíⁿ-lāng saⁿ-kap kiāⁿ.

⁹In-ūi i bat kóng, Lāng hoaⁿ-hí Siōng-tè, Lóng sī bô lī-ek.

¹⁰Só·-í lín bêng-lí ê lāng, tiòh thiaⁿ goá ê oē. Siōng-tè toàn-toàn boē kiāⁿ pháíⁿ, Choân lêng--ê toàn-toàn boē kiāⁿ put-gī.

¹¹In-ūi I beh chiàu lāng só·-choè-ê lâi pò-èng i, Chiàu lāng só·-kiāⁿ--ê lâi hō· i tú-tiòh.

¹²Siōng-tè sít-chāi boē choè pháíⁿ; Choân lêng--ê iā bô phian-su lâi sím-phoàⁿ.

¹³Chī-chui ēng toē thok-tiōng I ah? Chī-chui an-tiāⁿ choân sè-kài ah?

¹⁴I nā choan-sim kò· ka-kī, Chiong I ê sīm kap khi siu-hoē kui ka-kī,

¹⁵Kìⁿ-nā ū jiòk-thé--ê beh choè chit-ē sí, Lāng iū-goān beh kui thó·.

¹⁶Lí nā bêng-lí, chiū tiòh thiaⁿ chit-ê, Àⁿ hī-khang thiaⁿ goá kóng-oē ê siaⁿ.

¹⁷Oàn-hūn kong-pêng--ê kiám oē chiáng-koān mah? Hit-ê ū kong-gī--ê, ū koān-lêng--ê, lí kiám oē tēng I ū-choē mah?

¹⁸I tui kun-ōng kóng, Lí sī bô hē-lòh--ê; Tui kùì-chók kóng, Lí sī siā-ok--ê.

¹⁹I bô phian-su khoán-thāi ū chiok-ūi-ê, Iā bô khi-pîn tiōng-hù, In-ūi lóng sī I ê chhiú só· chō ê.

²⁰Tiap-á-kú ê tiōng-kan, poàⁿ-mī ê sí, in chiū sí-bô; Peh-siⁿ siū iō-choah, teh kè--khi; Lóng-béng--ê siū tū-biát m̄-bián ēng chhiú.

²¹In-ūi I ê bák-chiu kàm-chhat ták lāng ê lō·, Khoàⁿ-bêng i ê kha-pō·.

²²Bô ū o·-àm, bô ū sí-ìm, Thang hō· kiāⁿ-pháiⁿ ê lāng khi bih.

²³In-ūi I bô ká lāng tiāⁿ-tiòh sī-kí, Hō· lāng thang kàu I ê bîn-chêng siū sím-phoàⁿ.

²⁴I phah-chhiū kiōng-béng ê lāng, m̄-bián chhâ-mng, Siat-líp pát-lāng lâi thoè in.

²⁵In-ūi I kàm-chhat in ê só·-choè; Tī mī--sí chia-tó in, in chiū biát-bô.

²⁶Tī chêng-lāng teh khoàⁿ ê só·-chāi I phah

in, Chhin-chhiūⁿ phah choè-pháiⁿ ê lāng chit-iūⁿ.

²⁷In-ūi in kiāⁿ phian-chhoah bô tē I, Iā lóng bô tì-ì I ê lō.

²⁸Tì-kàu hō· sòng-hiong lāng âu-kiò ê siaⁿ thau-kàu I bīn-chēng, I iā thiaⁿ-kìⁿ khùn-khó· ê lāng ê âu-kiò.

²⁹I hō· lāng an-chēng, chī-chui oē hiām I m̄-tiòh ah? I ng-bīn, chī-chui khoàⁿ I oē tiòh ah? I khoán-thāi chit-kok á-sī chit-lāng lóng sī án-ni;

³⁰Bián-tit bô keng-khiān ê lāng choè ông, Bián-tit ū lāng lóng-lók peh-siⁿ.

³¹Kiám ū lāng bat tui Siōng-tè kóng, Goá í-keng siū chek-hoát, bô koh hoān-choē ah?

³²Goá só· bô khoàⁿ-kìⁿ--ê, kiū Lí chí-sī goá, Goá nā bat choè pháiⁿ, goá bô beh koh choè i.

³³Kiám sī I só· pò-èng, bô chiàu lí ê ì-sù, lí chiah the-sī m̄-siū mah? Taⁿ tiòh keng--ê, sī lí, m̄-sī goá; lí só· chai-ê choè lí kóng.

³⁴Bēng-lí ê lāng, kap thiaⁿ goá ê oē ê tì-hui lāng, Beh tui goá kóng;

³⁵Iok-pek só· kóng-ê bô tì-sek, I ê oē bô tì-hui.

³⁶Goān Iok-pek siū chhi-giām kàu thau-toé, In-ūi i ê in-tap chhin-chhiūⁿ pháiⁿ lāng.

³⁷In-ūi i tī i ê choē koh ke-thiⁿ poē-gék; I tī lán tiong-kan phah-chhiú; Koh ēng choē-choē oē hoán-tui Siōng-tè.

35 Í-lī-hō· koh in kóng, Lí liáh chit-ê choē ū háp-lí, Lí kóng, Goá ê gī iāⁿ-kè Siōng-tè ê gī ah,

³Lí keng-jiān kóng, Che ū sím-mih lī-ek lí? Iū-koh, Goá ū sím-mih lī-ek khah-iāⁿ goá bat khi hoān-choē?

⁴Goá beh in lí, Í-klp óa-lí ê tâng-phoāⁿ.

⁵Lí tiòh kiáh-bák khoàⁿ thiⁿ, Khoàⁿ hit ê kiong-chhong, sī pí lí khah-koāiⁿ.

⁶Lí nā hoān-choē, oē hāi-tiòh I sím-mih? Lí ê kè-sit nā ke-thiⁿ, oē gāi-tiòh I sím-mih ah?

⁷Lí nā kiāⁿ-gī, ū sím-mih hō· I ah? Á-sī I tui lí ê chhiú ū tit-tiòh sím-mih ah?

⁸Lí ê pháiⁿ koan-hē lí tâng-lui ê lāng, Lí ê gī iā koan-hē sè-kan lāng.

⁹Lāng in-ūi siū choē-choē pō-giók chiū âu-kiò, In-ūi siū kiong ê lāng ê ap-chè, chiū háu-kiū.

¹⁰Chóng-sī bô lāng kóng, Chhòng-chō goá ê Siōng-tè tī toh-lóh? I sī hō· lāng mī-sī chhiūⁿ-koa--ê.

¹¹I sī kà-sī lán iāⁿ-kè toē-chiūⁿ ê cháu-siū, Hō· lán ū tì-hui, iāⁿ-kè tī khong-tiong ê pe-chiáu ê.

¹²In tī-hia âu-kiò, chóng-sī bô ū in-tap ê, In-ūi pháiⁿ-lāng kiau-ngō· ê iān-kò.

¹³Hu-kè-ê, Siōng-tè bô beh thiaⁿ, Choān-lēng--ê iā m̄ khoàⁿ-kò i.

¹⁴Hō-hòng lí kóng, lí bô khoàⁿ-kìⁿ I; Chit ê àn-kiāⁿ tī I ê bīn-chēng, lí tiòh chhiáⁿ thèng-hāu I ah!

¹⁵Chóng-sī taⁿ in-ūi I bô siū-khi lāi chek-hoát, Iā bô put-chí chù-ì bú-bān;

¹⁶Só·-í Iok-pek khui-chhiū lóng hu-ké, Kóng choē-choē bū-ti ê oē.

36 Í-lī-hō· koh soà-chiap kóng, Lí koh iōng-ún goá tiap-á-kú, goá chiū beh chí-sī lí, In-ūi iáu ū oē beh ūi-tiòh Siōng-tè lāi kóng.

³Goá beh tui hng-hng chhiú goá ê tì-sek, Ēng gī kui hō· chhòng-chō goá--ê.

⁴In-ūi goá ê oē sít-chāi bô pēh-chhát, Ū tì-sek chiāu-pī--ê kap lí tī-teh.

⁵Khoàⁿ ah, Siōng-tè toā koān-lēng lóng bô biáu-sī lāng; I ê sim-su lēng-lék chin-toā.

⁶I bô pó-hō· pháin-lâng ê sìn-miā, Sī hō· khó·lân--ê tit-tiòh kong-pêng.

⁷I ê bák-chiu bô lī-khui gī-lâng; Hō· in kap kun-ông saⁿ-kap chē-ūi kàu éng-oán; In chiū tit-tiòh seng-koàiⁿ.

⁸In nā hō· só-liân pák-teh, Hō· khó·lân ê soh liù-tiòh;

⁹I chiū chí-sī in chai in ê só·choè, Í-kip in só· hoân ê tâng-choè.

¹⁰I iā khui in ê hī-khang lāi siū kà-sī, Hoan-hū in oát-túg-lāi, lī-khui choè-ok.

¹¹In nā thiaⁿ-thàn lāi hók-sāi, Chiū beh heng-thong kè-jit, Lék-nī an-lók.

¹²Nā m̄ thiaⁿ-thàn, chiū beh hō· to-kiàm thài, Gōng-gōng lāi sí.

¹³Hiah-ê sim bô kèng-khiân ê lāng chek-chū siū-khì, I khún-pák in ê sí, in iā bô háu-kiù.

¹⁴I beh tī siàu-liân ê sí sí, In ê sìn-miā sòng-sit chhin-chhiūⁿ pháin gín-ná chit-iūⁿ.

¹⁵I ēng khùn-khó· lāi kiù khùn-khó· ê lāng, Ēng pō-giók lāi khui in ê hī-khang.

¹⁶I ín-chhoā lí chhut gūi-kip, Jlp tī khoan-khoah bô oéh-toéh ê toē; Pài tī lí ê toh-téng--ê sī ū iū-jī moá-moá ê.

¹⁷Lí chhiong-moá pháin-lâng ê gí-gī, Chiū gí-gī kap phoànⁿ-toàn beh liáh lí.

¹⁸M̄-thang iông-ún siū-khì kek-tōng lí, tì kàu lí bú-bān; Iā m̄-thang in-ūi siók-hoê ê kè-chiⁿ toā, lāi kiāⁿ phian.

¹⁹Lí ê chiⁿ-châi, á-sī lí it-chhè ê sè-lék, Kiám ū hâu-giām, hō· lí bô tú-tiòh hoân-lân mah?

²⁰Bóh-tit him-bō· hit ê àm-mī, Chiū-sī peh-siⁿ tī in ê só·-chāi tú-tiòh tú-biát ê sí.

²¹Lí tiòh kín-sīn, m̄-thang ì-hiòng choè-ok; In-ūi lí keng chit-ê, iāⁿ-kè khó·lân.

²²Khoàⁿ ah, Siōng-tè ēng I ê lèng-lék lāi

kiāⁿ toā-sū; Chī-chūi choè kàu-su chhin-chhiūⁿ I ah?

²³Chī-chūi oē tiāⁿ-tiòh I ê lō·? Chī-chūi oē kóng, Lí ū kiāⁿ put-gī?

²⁴Lí tiòh kì-tit o-ló I só· kiāⁿ--ê choè-toā, Chiū-sī lāng só· chhiūⁿ-koa ê.

²⁵Lāng lóng khoàⁿ-kìⁿ i; Lāng tui hng-hng khoàⁿ-kìⁿ i.

²⁶Khoàⁿ ah, Siōng-tè chì-toā, lán m̄-bat I; I ê nī ê giáh boē-sng-tit.

²⁷In-ūi I khiap-ín chit-tih chit-tih ê chúi, Chiū tui i ê sip-khì piàn-chiāⁿ hō·;

²⁸Chiū-sī thiⁿ só· lóh ê, Lāi ak cheng-lāng.

²⁹Chī-chūi oē bēng-pék hūn cháiⁿ-iūⁿ thī khui, Kap I hēng-kiong khū-khū-háu ê siaⁿ?

³⁰Khoàⁿ ah, I hoat-chhut I ê kng tī hit téng-bīn; I koh jia-khām hái ê toé.

³¹In-ūi I ēng chiah-ê sīm-phoànⁿ peh-siⁿ; Koh siūⁿ-sù hong-sēng ê bí-niū.

³²I ēng tiān-kng jia-chhiú, Bēng-lēng i phah-tiòh tui-ték.

³³I ê siaⁿ sī piáu-bēng I; Iā ēng só· beh khí ê toā hong-hō· chí-sī cheng-siⁿ.

37 In-ūi án-ni goá ê sim phók-phók-chhéng, Iô-tāng lī-khui pún-ūi.

²Tiòh tì-ì thiaⁿ I khū-khū ê siaⁿ, Í-kip I ê chhui só· chhut ōng ê siaⁿ.

³I ê siaⁿ hoat-chhut kàu phó· thiⁿ-ē, I ê tiān sih kàu toē-kék.

⁴Tè-āu ū siaⁿ khū-khū-háu; I ēng ui-giām ê siaⁿ hoat-lui; I ê siaⁿ chit-ē thiaⁿ-kìⁿ, I bô thēng-chí in.

⁵Siōng-tè hoat-chhut lui ê siaⁿ chin kī-biāu; I kiāⁿ toā-sū hō· lán boē chhek-tók--tit.

⁶In-ūi I tui seh kóng, Tiòh lóh tī toē-chiūⁿ; Tui kui-chūn ê hō·, Kap kui-chūn ê toā-hō·, iā sī án-ni kóng.

⁷I kìm-chí ták-lâng ê chhiú; Hō· só· chō ê lâng lóng oē chai.

⁸Pah-siù jíp hiát, Lóng toà tī in ê tōng.

⁹Toā-hong tùi i ê hú-khò· lăi, Koāⁿ-lêng tùi pak-hng chhut.

¹⁰Tùi Siōng-tè ê pûn-khùi chiū kian-peng, Khoan-khoah ê chúí chiū kiát-tēng.

¹¹I hō· sip-khì chek-moá tī bát-hûn, Tián-khui tián-kng ê hûn;

¹²Chit-ê sī thàn I ê chí-hui sî-koè kiâⁿ tóg-sêh; Tī sè-kài ê toē-bīn, Kiâⁿ I it-chhè só· hoan-hù in ê;

¹³Hék-sī ūi-tiòh chek-hoát, Hék-sī ūi-tiòh lūn-ték toē, Hék-sī ūi-tiòh si-hêng chū-ài, chiah hō· i lăi.

¹⁴Iok-pek ah, lí tiòh liū-sim lăi thiaⁿ; Tiòh khiā-teh lăi siūⁿ Siōng-tè kī-biāu ê sū.

¹⁵Siōng-tè cháiⁿ-iūⁿ hoan-hù chiah-ê? Cháiⁿ-iūⁿ hō· hûn-tiong ê tián-kng chiò-chhut, lí chai mah?

¹⁶Hûn cháiⁿ-iūⁿ pho·-pīⁿ tī khong-tiong; Hit ê tì-sek chiâu-pī--ê kī-biāu ê sū, lí chai mah?

¹⁷Thó·-toē in-ūi lâm-hong chēng-chēng ê sī, Lí ê i-hók cháiⁿ-iūⁿ sio-lō, lí chai mah?

¹⁸Lí kiám oē kap I saⁿ-kap pho· kiong-chhong mah? Chit ê kiong-chhong kian-tēng, chhin-chhiūⁿ chū-chiâⁿ ê kiâⁿ.

¹⁹Goán in-ūi gū-gōng boē hiáu tit pài-liát goán ê oē; Lí tiòh kà-sī goán eng-kai tùi lí kóng sím-mih.

²⁰Kiám tiòh pò I chai, goá beh kóng mah? Lâng kiám ài siū biát-bô mah?

²¹Taⁿ lăng bô khoàⁿ-kìⁿ kiong-chhong-lăi chhàn-lân ê kng; Tók-tók hong tùi teh kè, chiū hō· i chheng-chhái.

²²Kim ê kng tùi pak-hng chhut-lăi; Siōng-tè ū ui-giâm thang kiaⁿ.

²³Choân-lêng--ê, lán boē-oē chhek-tók I; I ū toā lêng-lék, ū kong-pêng chhiong-moá kong-gī, bô beh khó·-chhó· lăng.

²⁴Só·-í lăng keng-ùi I; I bô khoàⁿ ū tì-hui ê sim--ê.

38 Hit-sī Iâ-hô-hoa tùi toā-hong ê tiong-kan in Iok-pek kóng,

²Taⁿ chit-ê ēng bú-ti ê oē, hō· só· gī-lūn-ê bô bēng, Sī chī-chui ah?

³Lí tiòh hâ-io chhin-chhiūⁿ tãi-tiōng-hu, Goá mng lí, lí in Goá.

⁴Goá hē toē ê toē-ki, hit-sī lí tī toh-lòh? Lí nā chai-iaⁿ chiū kóng i.

⁵Chī-chui tiāⁿ-tiòh i ê chhùn-chhiòh, Chī-chui khan chin-soh tī i ê téng-bīn, lí chai mah?

⁶I ê toē-ki chhāi tī sím-mih ê téng-bīn? Á-sī i kak-thâu ê chiòh, chī-chui an-ti ah?

⁷Tng hit-sī thiⁿ-kng-chá ê chhiⁿ saⁿ-kap chhiūⁿ-koa; Siōng-tè ê cheng-kiáⁿ iā lóng chhut hoaⁿ-hí ê siaⁿ.

⁸Toā-hái chhiong-chhut, chhin-chhiūⁿ tùi thai--nih chhut-lăi, Hit-sī chī-chui ēng mng koaiⁿ-i?

⁹Hit-sī Goá ēng hûn choè i ê saⁿ, Ēng o·-àm choè pò· pau i;

¹⁰Kā i tiāⁿ-tiòh Goá só· līp ê kài-hân, Koh kā i siat mng-kong kap mng.

¹¹Kóng, Lí thang kàu chia, m̄-thang poāⁿ-kè, Lí kiau-ngō· ê éng kàu chia ūi-chí.

¹²Tùi lí chhut-si ê jīt í-lăi, lí bat bēng-lēng chá-khí sī, Hō· thiⁿ-kng-chá chai i ê só·-chāi;

¹³Hō· i khiú toē ê sî-kék, Chiong pháiⁿ-lâng poāⁿ--chhut-khì?

¹⁴I chiū piàn-oāⁿ chhin-chhiūⁿ kè-in ê thô·, In chhut-hiân chhin-chhiūⁿ i-hók.

¹⁵Pháiⁿ-lâng só· sng-choè in ê kng, taⁿ tùi in siu tò-túg, Kiáh-koaiⁿ ê chhiú beh at-chih.

¹⁶Lí bat jíp háis ê chúí-goân mah? Á-sī bat kiān tī chhim-ian pì-bít ê só·chāi mah?

¹⁷Sí·bô ê mng ū kā lí khui mah? Sí·im ê mng, lí bat khoàⁿ-kìⁿ mah?

¹⁸Toē ê khoah-toā, lí ū khoàⁿ-thàu bô? Lí nā it-chīn chai, choē lí kóng.

¹⁹Kng-bēng khiā-khí ê só·chāi, hit tiâu lō· tui toh-lōh khi, Koh o·-àm ê só·chāi tī toh-lōh;

²⁰Thang hō· lí chhoā i tò-khì i ê keng-kài? Lí oē chai-iaⁿ thàu kàu i ê chhù ê lō· mah?

²¹Lí chai--lah, in-ūi hit-sī lí í-keng chhut-sì, Lí nī-hē ê siàu-giāh iā choē.

²²Lí bat jíp seh ê khò·pāng, Á-sī khoàⁿ-kìⁿ pháuh ê hú-khò·,

²³Chiū-sī Goá só· siu-khng lāi theng-hāu hoān-lān ê kī, Theng-hāu saⁿ-thai kau-chiàn ê jít mah?

²⁴Kng tui sím-mih lō· pun-khui? Tang-hong tui sím-mih lō· sì-koē chhe tī toē-chiūⁿ?

²⁵Chī-chūi kā toā hō·-chúí khui lō·; Á-sī pī-pān lūi-tiān ê lō·;

²⁶Lāi lōh-hō· tī bô lāng ê toē, Tī bô lāng khiā-khí ê khòng-ia;

²⁷Hō· pha-hng hong-hoē ê toē tit-tiòh kàu-giāh, Hō· chhiⁿ-chháu hoat-siⁿ.

²⁸Hō·-chúí ū lāu-pē mah? Lō·-chúí chit-tiám chit-tiám, chī-chūi siⁿ-ê ah?

²⁹Peng tui sím-mih ê thai chhut? Thiⁿ ê sng, sī chī-chūi siⁿ-ê ah?

³⁰Chiah ê chúí kian-tēng chhin-chhiūⁿ chiòh-thau, Chhim-ian ê bīn kiat kui-tē.

³¹Báu-chhiⁿ kui-chhok, sī lí pāk-ê mah? Chham-chhiⁿ ê toà sī lí tháu-ê mah?

³²Lí hō· chấp-jī kiong chiàu i ê sī-hāu chhut lāi? Iā chhoā pak-táu kap i só· siók ê chhiⁿ mah?

³³Lí chai thiⁿ ê tēng-lē mah? Á-sī siat i ê koān koān-hat toē mah?

³⁴Lí oē chhut-siaⁿ kiò hūn, Hō· hō·-chúí choē-choē jia-khām lí mah?

³⁵Lí oē hoat-chhut sih-nà, in chiū khi, tui lí kóng, Goán tī chia.

³⁶Chī-chūi ēng tī-hui hē tī lāi-bīn? Chī-chūi siūⁿ-sù chhang-miā tī sim-lāi?

³⁷Chī-chūi oē ēng tī-hui sng hūn ê siàu-giāh? Chī-chūi oē piāⁿ thiⁿ ê phūn;

³⁸Hit-sī tīn-ai chiāⁿ-choē thô·-bē, Thô· chiū kiat kui-thng?

³⁹Lí ū kā bú ê sai lāk-tiòh chiāh-mih? Hō· sai-á-thūn chiāh-pá mah?

⁴⁰Chiū-sī i tī hiát-lāi thiⁿ-kha, Tī ún-bát ê só·chāi bih-teh ê sī.

⁴¹O·-a-kiáⁿ ng Siōng-tē ai-kiū; Bô thang chiāh pe-lāi pe-khì ê sī, Chī-chūi ūi o·-a pī-pān chiāh-mih ah?

39 Soaⁿ--nih ê soaⁿ-iūⁿ tī-sī siⁿ, lí chai mah? Lók-bú siⁿ-kiáⁿ, lí khoàⁿ-chhut mah?

²In koà-kui tī-sī kàu-gēh, lí oē sng mah? In tī-sī siⁿ, lí oē hiáu-tit mah?

³In khut-sin siⁿ-kiáⁿ, Pàng-chhut in ê lô-khó·.

⁴In ê kiáⁿ chiām-chiām pui-phauh, tī soaⁿ-iá tióng-toā; In chhut-khì, chiū bô koh tò-túg lāi.

⁵Chī-chūi pàng iá-lū chhut-khì chū-iū? Chī-chūi tháu soaⁿ-lū ê soh?

⁶Goá ēng khòng-ia choē i ê chhù, Ēng kiām ê toē choē i khiā-khí ê só·chāi.

⁷I thí-chhiò siāⁿ-lāi ê soan-hoa, Koáⁿ cheng-siⁿ-ê teh hoah, i iā m-thiaⁿ.

⁸Piān-soaⁿ sī i ê chháu-tiūⁿ; I iā chhē ták-iūⁿ chhiⁿ-chhùi ê mih.

⁹Iá-gū kiám khéng hók-sāi lí? Á-sī hiòh tī lí ê chô-piⁿ?

¹⁰Lí oē ēng soh pák iá-gû tī loê-kau mah?
I beh tè lí pē soaⁿ-kok mah?

¹¹Kiám thang in-ūi i lát toā, chiū oá-khò i?
Kiám thang ēng lí ê kang kau-tài i mah?

¹²Lí kiám thang sìn-khò i toà lí ê chéng-chí
tò-lâi; Koh siu-síp lí ê gō-kak-tiūⁿ mah?

¹³Tô-chiáu ê sít hoaⁿ-hí teh iát; Chóng-sī i
ê sít kap mng ū chú-ài bô?

¹⁴In-ūi i pàng-sak i ê nng tī toē--nih, Hō· i
tī thô·soa tit-tiòh sio-lō;

¹⁵Bô siūⁿ-tiòh kha oē lap-tiòh, Iá-siū oē
táh-tiòh.

¹⁶I bô khó-lín i ê kiáⁿ, chhin-chhiūⁿ m̄-sī i-ê;
I ê tiòh-boá khang-khang, i iā bô khoà-lū.

¹⁷In-ūi Siōng-tè hō· i bô tì-hūi, Iā bô hō· i
ū lêng-khiàu.

¹⁸I théng-sin koāiⁿ-koāiⁿ ê sī, Chiū biáu-sī
bé kap khiā-bé--ê.

¹⁹Bé ê lát sī lí hō· i mah? Lí ēng oē chhang-
-khí-lâi ê chang moa i ê âm-kún mah?

²⁰Lí hō· i tiô-thiàu chhin-chhiūⁿ chháu-meh
mah? I tián-ui phng-phng-háu chin thang
kiaⁿ.

²¹I tī soaⁿ-kok-tiong ēng toē pē thô·, ka-kī
hoaⁿ-hí i ê lát; I chhut-khì ngiā-chih peng-khì.

²²I biáu-sī thang kiaⁿ ê sū, iā bô lún; Iā bô
in-ūi to-kiàm lâi oát-tò-tng.

²³Chìⁿ-tē kap kng-nà-nà ê chhiuⁿ, í-kíp
chhiú-pio, Tī i ê sin-chiūⁿ khiang-khiang-háu
ū siaⁿ.

²⁴I hoat-sèng kap toā siū-khì, chiong thô·
thun--lòh-khì; Chít-ē thiaⁿ-kìⁿ sàu-kak ê siaⁿ,
chiū m̄ tiāⁿ-tiāⁿ khiā-teh.

²⁵Kìⁿ-nā sàu-kak tân, i chiū kóng, Ā-hah,
I tui hng-hng phīⁿ-kìⁿ kau-chiàn, Kap kun-
tiúⁿ chhin-chhiūⁿ lúi ê siaⁿ, í-kíp hoah-hiàm
ê siaⁿ.

²⁶Boáh-hiòh teh pe, thí-khui i ê sít, òg-lâm
khì, Kiám sī khò lí ê tì-hūi mah?

²⁷Eng-chiáu chhèng-koāiⁿ tī koāiⁿ ê só·-chāi
choh-siū, Sī thàn lí ê bēng-lēng mah?

²⁸I tiàm tī chiòh-phiāⁿ, Khiā-khí tī soaⁿ-
chiam kap kian-kò· ê só·-chāi.

²⁹Tui-hia chhē chiáh-mih, Bák-chiu kim-
kim khoàⁿ hng-hng.

³⁰I ê kiáⁿ suh huìh; Siū-thai-ê tī toh-lòh, i
iā tī-hia.

40 Iā-hô-hoa koh in Iok-pek kóng,

²Hòⁿ-piān-ê, kiám thang kap Choán-lēng-
-ê piān-lūn mah? Piān-pok Siōng-tè ê, taⁿ
tiòh in i.

³Iok-pek chiū in Iā-hô-hoa kóng,

⁴Khoàⁿ ah, goá sī bī-soè, goá beh ēng sím-
mih in-tap Lí? Goá ēng chhiú ng goá ê chhiú.

⁵Goá í-keng kóng chít-pái, taⁿ bô beh in;
Kóng nng-pái, iā bô koh kóng.

⁶Iā-hô-hoa chiū tui toā-hong ê tiong-kan in
Iok-pek kóng,

⁷Lí tiòh hā-io chhin-chhiūⁿ tãi-tiōng-hu,
Goá mng lí, lí tiòh in Goá.

⁸Lí beh hoè-bô Goá ê kong-pēng mah? Lí
beh gí-tiāⁿ Goá ū choē, lâi hián-bēng ka-kī
choè-gī mah?

⁹Lí ū chhin-chhiūⁿ Siōng-tè hit-hō ê chhiú-
kut mah? Lí oē chhut-siaⁿ khí-lúi, chhin-
chhiūⁿ I mah?

¹⁰Taⁿ lí thang ēng chun-kui ui-giām choè
chng-thāⁿ, Ēng êng-kng bí-biāu choè i-hók.

¹¹Tiòh piāⁿ-chhut lí moá-moá ê siū-khì;
Khoàⁿ it-chhè kiau-ngō· ê lāng, hō· i kàng-
kē.

¹²Khoàⁿ it-chhè kiau-ngō· ê lāng, ah-chhih
hō· i kē, Táh pháⁿ-lāng tī in só· khiā ê toē.

¹³Kā in choè chít-ē khng tī thô·-hún; Pau-
bát in ê bīm tī o·-àm bát ê só·-chāi.

¹⁴Án-ni Goá chiū sêng-jīm lí; Chin-chiàⁿ lí ê chiàⁿ-chhiú oē kiù lí.

¹⁵Taⁿ lí khoàⁿ hô-bé, Goá chō lí, iā chō i; I chiáh-chháu chhin-chhiūⁿ gū.

¹⁶Khoàⁿ ah, i ê khùi-lát chāi-tī i ê io, I ê lêng-lèk tī i pak-tó· ê ki-bah.

¹⁷I iô-bé chhin-chhiūⁿ pek-hiuⁿ-chhiū; I toā-thúi ê kun saⁿ liên-lòk;

¹⁸I ê kut-thâu chhin-chhiūⁿ tâng-kúg, I ê chi-thé chhin-chhiūⁿ thih-tiâu.

¹⁹I sī Siōng-tè chiah ê kang ê tē-it; Chhòng-chō i--ê oē ēng to chhin-kūn i.

²⁰Chiah ê soaⁿ sit-chāi ká i chhut chiáh-mih, Chhân-iá ê pah-siū iā thit-thô tī-hia.

²¹I tó tī liên-hoe-hiōh kha, Khùn tī kui-phō lô·tek ê ìm-ńg-ē, kap chúi-khut-lāi.

²²Liên-hoe-hiōh ê ìm-ńg jia-khàm i; Khoe-piⁿ ê liú-chhiū ũi-séh i.

²³Khoàⁿ ah, chiū nā hô-chúi hoàn-lām, i iā bô kiaⁿ; Iok-tàn hô tiòng kàu i ê chhui, i iā an-jiân.

²⁴Chī-chui oē tī i bák-chiu kim-kim ê sī liáh-tiōh i, Á-sī ēng oah-khàu kng i ê phīⁿ ah?

41 Lí oē ēng kau thoa gók-hi khí-lai mah? Oē ēng soh liú i ê chih mah?

²Lí oē ēng soh kng i ê phīⁿ mah? Oē ēng chhi chhák-thàu i ê gē-chô mah?

³I beh ēng choē-choē oē kiù lí mah? Tùi lí kóng un-jiū ê oē mah?

⁴I kiám beh kap lí līp-iok, Hō· lí éng-oán liáh i choē lô·pók mah?

⁵Lí kiám oē kap i thit-thô, chhin-chhiūⁿ chiáu-á mah? Lí oē pāk--i, hō· lí siàu-liân ê lú-chú khan mah?

⁶Kui-pang ê thó-hi lāng, kiám thang ēng i choē boē-boē ê mih? Á-sī oē ká i pun-khui hō· seng-lí lāng?

⁷Lí oē ēng kau-liām piàn-chhák i ê phê mah? Oē ēng hī-chhe piàn-chhe i ê thau-khak?

⁸Lí ê chhiú hoāⁿ tī i ê téng-bīm; Kì-tit kap i kau-chiàn ê sū, chiū m̄-káⁿ koh án-ni choē.

⁹Khoàⁿ ah, lí siàu-siūⁿ i sī khang-khang; Chit-ē khoàⁿ-kìⁿ i, kiám boē sit-táⁿ mah?

¹⁰Bô chit-lāng hiah hó-táⁿ káⁿ jiá-tiōh i; Án-ni, chī-chui oē khiā tī Goá ê bīm-chêng ah?

¹¹Chī-chui tãi-seng hō· Goá, hō· Goá tiōh pò-tap i? Thong thiⁿ-ē lóng sī Goá-ē.

¹²Lūn-kàu gók-hi ê chi-thé, kap i ê toā-lát, Í-kíp i súi ê kut-keh, Goá boē-oē bô kóng.

¹³Chī-chui oē pak i ê goā-saⁿ? Chī-chui oē jlp i téng-ē ham ê tiòng-kan?

¹⁴Chī-chui oē khui i ê chhui? I ê chhui-khí sī-úi lóng sī thang kiaⁿ ê.

¹⁵I só· khoa-kháu--ê sī i íong ê lân. Háp-oá chiū chhin-chhiūⁿ hong bát-bát,

¹⁶Chit-ē chit-ē saⁿ-liân, Kàu khi boē-oē thau-jlp hí tiòng-kan.

¹⁷Lóng saⁿ liên-lòk, Liām choē chit-ē, boē saⁿ pun-khui.

¹⁸I phah-ka-chhiūⁿ, chiū hoat-chhut kng; I ê bák-chiu chhin-chhiūⁿ chá-khí-sī ê bák-chiu-phê.

¹⁹Tùi i ê chhui hoat-chhut tòh ê hé-pé, Kap pe--chhut-lai ê hé-chhiⁿ.

²⁰Tùi i ê phīⁿ chhut-ian, Chhin-chhiūⁿ hiāⁿ lô·úi ê tiáⁿ teh kún.

²¹I ê khi hō· hé-thoàⁿ tòh, Ū hé-iām tùi i ê chhui chhut.

²²I ê ām-kún ũ khui-lát siōng-siōng tī-hia, Kiaⁿ-hiāⁿ tī i ê bīm-chêng tiō-thiàu.

²³I ām-kui ê bah saⁿ liên-lòk, Kháh-tiâu i ê seng-khu, boē-oē iô-tāng.

²⁴I ê sim tēng chhin-chhiūⁿ chiòh-thâu, Chhin-chhiūⁿ ē-tún ê bō-chiòh hiah-tēng.

²⁵I chhít-ē khí-lâi, íóng-sū lóng kiaⁿ-hiāⁿ, Kiaⁿ kàu sit-sîn.

²⁶Lâng nā ēng kiàm, ēng khai-liâm, ēng pio, ēng chiam-chhiuⁿ, Chhák i lóng boē jíp.

²⁷I khoàⁿ thih choè ta-chháu, Khoàⁿ tâng choè po· ê chhâ.

²⁸Keng-chìⁿ boē-oē hō· i tô-cháu; Ēng soh hìⁿ chiòh, i chún-choè tiū-chháu.

²⁹Thui-á i sng choè tiū-chháu; Lâng bú-lâng chhiuⁿ, i chiū thí-chhiò.

³⁰I ê pak-tó·-ē chhin-chhiūⁿ lâi ê chhù-hiā-phê; I chhin-chhiūⁿ thih-pē thoa-kè thô·.

³¹I hō· chhim-ian kún chhin-chhiūⁿ tiáⁿ; Hō· hái chhin-chhiūⁿ tiau-hô iū ê poah.

³²I hō· i āu-bīn ê lō· hoat-kng; Hō· lāng phah-sng chhim-ian sī pēh-thâu-mŋg.

³³Choân-toē bō chhít-ē oē pí-tit i; I siū-chō choè bō kiaⁿ-hiāⁿ-ê.

³⁴Kìⁿ-nā koàiⁿ-toā--ê i khoàⁿ-khin i; I tī it-chhê kiau-ngō· ê chók-lui choè-ông.

42 Iok-pek in Iâ-hô-hoa kóng, Goá chai Lí bān-sū lóng oē. Lí ê chí-ì lóng boē chók-tòng-tit.

³Chhít-ê bû-ti lâi khàm-bát só· gī-lūn ê, sī chī-chui ah? Só·-í goá ū kóng-chhut goá só· bō bēng--ê, Chiū-sī goá só· siūⁿ-boē-chhut ê kī-biāu, goá só· m̄-chai.

⁴Kiū Lí thiaⁿ, goá beh kóng, Goá mŋg Lí, Lí in goá.

⁵Goá chēng hī-khang thiaⁿ-kìⁿ Lí, Taⁿ goá ê bák-chiu khoàⁿ-kìⁿ Lí;

⁶Só·-í goá ka-kī iām-òⁿ, Tī tīn-ai kap hé-hu ê tiong-kan hoán-hoé.

⁷Iâ-hô-hoa tui Iok-pek kóng chiaⁿ ê oē í-āu, Iâ-hô-hoa chiū tui Thê-bān lāng Í-lī-hoat

kóng, Goá ê siū-khì tui lí kap lí nŋg ê pēng-iú hoat--khí-lâi, in-ūi lín gī-lūn Goá, bō kóng háp-lí ê oē, chhin-chhiūⁿ Goá ê lô·-pók Iok-pek só· kóng ê. ⁸Taⁿ lín tiòh ūi pún-sin chhú chhit chiaⁿ gū-káng, chhit chiaⁿ iūⁿ-káng, kàu Goá ê lô·-pók Iok-pek hia, ūi pún-sin hiàn sio-chè; Goá ê lô·-pók Iok-pek beh thoè lín kī-tó; in-ūi Goá beh chiap-láp i, bián-tit Goá chiàu lín ê gū-gōng lâi khoán-thāi lín; in-ūi lín gī-lūn Goá, bō kóng háp-lí ê oē, chhin-chhiūⁿ Goá ê lô·-pók Iok-pek só· kóng ê. ⁹Tui án-ni Thê-bān lāng Í-lī-hoat, Su-a lāng Pí-lék-tát, Ná-má lāng Só-hoat, chiàu Iâ-hô-hoa só· bēng-lēng in-ê khi-kiāⁿ; Iâ-hô-hoa iā chiap-láp Iok-pek. ¹⁰Iok-pek thoè i ê pēng-iú kī-tó ê sī, Iâ-hô-hoa chiū hō· i ê kēng-hóng hók-goân; koh Iâ-hô-hoa siūⁿ-sù Iok-pek pí í-chēng só·-ū-ê ka-pē. ¹¹Hit-sī i ê chēng hiaⁿ-tī, chí-bē, kap í-chēng saⁿ-bat ê lāng lóng lâi kīⁿ i, tī i ê chhù saⁿ-kap chiaⁿ, ūi-tiòh Iâ-hô-hoa só· kàng-lòh tī i it-chhê ê chai-ē, lóng pi-siong lâi an-ùi i; ták-lāng sàng i chhít-tè gūn, ták-lāng sàng i chhít-ê kim-khoân.

¹²Án-ni Iâ-hô-hoa sù-hok Iok-pek ê bé-kéng iān-kè i ê khí-thâu; i ū iūⁿ chhít-bān sì-chheng, lók-tô lāk chheng, gū chhít-chheng tui, lū-bú chhít-chheng. ¹³I iā ū chhit ê kiáⁿ, saⁿ ê cha-bó·-kiáⁿ. ¹⁴I ká toā cha-bó·-kiáⁿ miâ-kiò Iâ-bí-má, tē-jī-ê miâ-kiò Kì-sé-a, tē-saⁿ-ê miâ-kiò Kì-liân-hap-phok. ¹⁵Thong hit só·-chāi ê hū-lú, chhē bō chhin-chhiūⁿ Iok-pek ê cha-bó·-kiáⁿ hiah--nih súi; in ê lâu-pē hō· in tī hiaⁿ-tī tiong tit-tiòh sán-giáp. ¹⁶Chhit-tiáp í-āu Iok-pek koh chiaⁿ chhit-pah sì-cháp hē, tit-tiòh khoàⁿ-kìⁿ i ê kiáⁿ, i ê sun, kàu sì-tāi. ¹⁷Án-ni Iok-pek nī-hē lâu, jlt-chí móá, chiū sí.